

詩

魏

苦寒行

曹

操

太行山艱哉何崔巍羊腸阪詰屈車輪爲之摧樹木何

北風聲正悲熊羆對我蹲虎豹夾路啼谿谷少人民雪

何霏霏延頸長歎息遠行多所懷我心何拂鬱思欲一東

歸水深橋梁絕中道正徘徊迷惑失故路薄暮無宿棲行行


日已遠人馬同時饑擔囊行取薪斧冰持作糜悲彼東山詩

悠悠使我哀

晉

扶風歌

劉琨



以屬落照盡胡桑關山定何許徒御慘悲涼

唐

登太行

元世宗

清蹕度河陽凝笳上太行火龍明鳥道鑲騎遶羊腸白霧埋

陰壑丹霞助曉光澗泉含宿凍山木帶餘霜野老茅爲室樵

人薜作裳宣風問耆艾敦俗勸畊桑涼德慚先哲後猷慕昔

皇不因今展義何必昂垂堂

常道安

柳宗元

道安本儒士頗擅弓劍名二十遊太行暮聞號哭聲疾驅前

致問有叟垂華纓言我故刺史失職還西京偶爲羣盜得毫

縷無餘贏貨財足非恡二女皆娉婷蒼黃見驅逐誰識死與

生便當此殞命休復事晨征一聞激高義皆裂肝胆橫挂弓

水經注丹水東南流注于丹谷卽鸞越石扶風歌所謂丹水者也

朝發廣莫門暮宿丹水山左手鬱繁弱右手揮龍淵顧瞻望宮闕俯仰御飛軒據鞍長歎息淚下如流泉繫馬長松下發鞍高岳頭烈烈悲風起泠泠澗水流揮手長相謝哽咽不能言浮雲爲我結歸鳥爲我旋去家日已遠安知存與亡慷慨窮林中抱膝獨摧藏麋鹿遊我前猿猴戲我側資糧旣乏盡薇蕨安可食攬轡命徒侶吟嘯絕巖中君子道微矣夫子故有窮我欲竟此曲此曲悲且長棄置勿重陳重陳令心傷

陳

井州羊腸坂

江總

別帝鄉五月度羊腸本畏車輪折
馬骨傷驚風起

無敵聲華萬有餘榮承四岳後請絕五天初關路通秦壁城
池接晉墟撰期行子賦分與列侯居別望喧追餞離言繫慘
舒平蕪寒蜚亂喬木夜蟬疎寥沈秋先起推移月向虛舊交
何以贈客至待烹魚

早登太行山應制

北山東入海馳道上連天順動三光注登臨萬象懸纔觀河
北已平指洛陽川按蹕夷關險張旗巨井泉曉巖中警柝春
亭下蒐田德重周王問歌輕漢后傳宸遊鋪令典睿思起芳
年願以封書奏迴鑾禪肅然

前題

張說

六龍鳴玉鑾九折步雲端河眷南遊近山經北上難羽儀朕
松雪戈甲帶春寒百谷晨笳動千巖曉仗攢皇心感韶節敷

閩所往趨捷招崢嶸見盜寒礪陰羅列方參爭一矢斃酋帥
餘黨號且驚麾令遞束縛纏索相拄撐彼姝久褫魄月下俟
誅刑却立不親授諭以從父行拮收自擔肩轉道趨前程夜
燈敲石火山林如晝明父子更抱持涕泗分交零頓首願歸
貨納女稱舅甥道安奮衣去義重利固輕師婚古所病合姓
非用兵竭來事儒術十載所能逞慷慨張徐州朱邸揚前控
投軀獲所願前馬出王城轅門立奇士淮水秋風生君侯旣
卽世麾下相欹傾立孤抗王命鐘鼓四野鳴橫潰非所壅逆
節非所嬰舉頭引白刃顧義誰顧形烈士不忌死所死在忠
貞咄嗟狗權子翕習猶趨榮我歌非悼死所悼時世情

餞澤州盧使君

蘇頌

聞道降論書馬邠達採旗政覘循吏往才以貴卿除詞賦良

明發尾山顛飛龍高在天山南平對鞏山北遠通燕瞻彼岡
巒峻憑茲士馬妍九折行若砥萬谷輾如川羅網開三面閭
闔問百年澤將春雪比文共曉星連後逢今聖登臺謝曩
賢唯餘事君節不讓古人先

王屋山第之側雜構小亭

李嶠

桂亭依絕巘蘭榭俯回溪綺棟魚鱗出雕甍鳳羽棲引泉聊
漲沼鑿礎且通蹊席上山花落簾前野樹低弋林開曙景釣
清發晴霓狎水驚梁雁臨風聽楚鷄復看題柳葉彌喜蔭桐
圭

登王屋山玉清宮

盧照隣

絕頂橫臨日孤峯半倚天徘徊拜真老萬里清風烟

澤州州志卷之四十一
藻念人安既立省方館復建禮神壇扈蹕參天老承榮忝夏
官長勤百年意思見一勝殘

前題

張九齡

古月攝提貞乘時我后征晨嚴九折度暮戒六軍行日御馳
中道風師捲太清戈鋌林表出組練雪間明動植希皇豫高
深奉膚情陪游七聖列望幸百神迎氣色煙猶喜恩光草尙
榮之采稱萬歲今此復同聲

前題

苗晉卿

金吾戒道清羽騎動天聲砥路方南紀重岩始北征關樓前
望遠河邑下觀平喜氣迴與合祥風入旆輕祝堯五老至會
禹百神迎月令農先急春蒐禮後行仍親后土祭更理晉陽

有飲零露歎此北上苦停驂爲之傷何日王道平開顏
天光

王屋山與孟大融

我昔東海上勞山餐紫霞親見安期公食棗大如瓜中年謁
漢王不愜還歸家朱顏謝春輝白髮見生涯所期就金液飛
步登雲車願隨夫子天壇上閒與仙人掃落花

送王屋山人魏萬還王屋

并序

王屋山人魏萬云自嵩宋沿吳相訪數千里不遇乘興遊
台越經永嘉觀謝公石門後於廣陵相見羨其愛文好古
浪跡方外因述其行而贈是詩

僊人東方生浩蕩弄雲海沛然乘天遊獨往失所在魏侯繼
大名本家聊攝城卷舒入元化跡與古賢并十三弄文史揮

登澤州城北樓

陳子昂

平生倦遊者觀化久無窮復來登此國臨眺與君同坐見秦
兵壘遙聞趙將雄武安君何在長平事已空且歌元雲曲御
酒舞薰風勿使青衿子嗟爾白頭翁

題澤州石佛閣

李華

覽勝詩千首登高酒一壺此情誰管領分付石浮圖

北上行

李白

北上何所苦北上緣太行磴道盤且峻巉巖凌穹蒼馬足蹶
側石車輪摧高岡沙塵接幽州烽火連朔方殺氣毒劒戟嚴
風裂衣裳奔鯨夾黃河鑿齒屯洛陽前行無歸日返顧思舊
鄉慘滅冰雪裏悲號絕中腸尺布不掩體皮膚裂枯桑汲水
澗谷阻採薪墮坂長猛虎又掉尾磨牙皓秋霜草木不可食

水石相噴薄路創李北海巖開謝康樂松風和猿聲搜索連
洞壑徑出梅花橋雙溪納歸潮落帆金華岸赤松若可招沈
約八詠樓城西孤峒峒峒四荒外曠望羣川會卷天地
開波連浙西大亂流新安口北指嚴光瀨釣臺碧雲中邈與
蒼嶺對稍稍來吳都裴回上姑蘇煙綿橫九疑滌蕩見五湖
目極心更遠悲歌但長吁迴繞楚江濱揮策揚子津身著日
本裘昂臧出風塵五月造我語知非佞人相逢樂無限水
石日在眼徒干五諸侯不致百金產吾友楊子雲茲歌播清
芬雖爲江寧幸好與山公羣乘興但一行且知我愛君君來
幾何時僊臺應有期東牕綠玉樹定長三五枝至今天壇人
常笑爾歸遲我苦惜遠別茫然使心悲黃河若不斷白首長

筆如振綺辨折田巴生心齊魯連子西涉清洛源頗驚人世
喧采秀卧王屋因窺洞天門竭來遊嵩峰羽客何雙雙朝攜
月光子暮宿玉女牕鬼谷上窈窕龍潭下奔溲東浮汴河水
訪我三千里逸興滿吳雲飄颻淞江汜揮手杭越問樟亭望
湖還濤卷海門石雲橫天際山白雪走素車雷奔駭心顏遙
聞會稽羨且度耶溪水萬壑與千巖崢嶸鏡湖裏秀色不可
名清輝滿江城人遊月邊去舟在空中行此中久延佇入剡
尋王許笑笑讀曹娥碑沈吟黃絹語天台連四明日人向國清
五峰轉月色百里行松聲靈溪恣沿越華頂殊超忽石梁橫
青天側足履半月眷然思永嘉不憚海路賒挂席歷海嶠廻
瞻赤城霞赤城漸微沒孤嶼前曉兀水續萬古流亭空一霜
月縉雲川谷雜石門長可觀瀑布挂此山莫密比水端賁蓬

魏大丹臺有姓名古來成道者兄弟亦同行
春來山事好歸去亦逍遙水淨苔莎色露香芝朮苗登臺吸
瑞景飛步翼神臆願薦墳篋曲相將學玉簫

太行苦熱行

劉長卿

迢迢太行路自古稱險惡千騎儼欲前羣峰望如削火雲從
中起仰視飛鳥落汗馬卧高原危旌倚長薄清風何不至赤
日方煎爍石露山木焦鱗窮水泉涸九重今旰食萬里傳明
略諸將候軒車元凶愁鼎鑊何勞短兵接自有長纓縛通越
事豈難渡瀘功未博朝辭羊腸坂夕望貝邱郭漳水斜遶營
常山遙入幕永懷姑蘇下因寄建安作白雪和難成滄波意
空託陳琳書記好王粲從軍樂早晚歸漢庭隨公上麟閣

憶昔行

杜甫

相思

客有爲余話登天壇遇雨之狀因以賦之

劉禹錫

清晨登天壇半路遇陰晦疾行穿雨過却立視雲背白日照
其上風雷走於內滉瀟雪海翻槎牙玉山碎蛟龍露鬢鬣神
鬼含變態萬狀互生滅百音以繁會俯觀羣動靜始覺天宇
大山頂白晶明人間已霏霏豁然重昏歛渙若春冰潰反照
入松門瀑流飛縞帶遙光泛物色餘韻吟天籟洞府撞仙鐘
村墟起夕靄却見山下侶已如迷世代問我何處來我來雲
雨外

奉送家兄歸王屋山隱居

原注據道書王屋山一名洛陽山一作陽洛山

洛陽天壇上依稀似玉京友分先見日月靜毫鬣雲落身

青鞋胝恨望金七藥東蒙赴舊隱尙憶同心樂伏事董先生
于今獨蕭索胡爲客關塞道意久衰薄妻子亦何人丹砂負
前諾雖悲鬢髮變未憂筋力弱杖藜望清秋有興入廬霍

送張道士歸山

王維

先生何處去玉屋訪茅君別婦留丹訣驅鷄入白雲人間若
剩住天上復離羣當作遼城鶴仙歌使爾聞

偶然作六首之一

日夕見太行沈吟未能去問君何以然世網嬰我故小妹曰
成長兄弟未有娶家貧祿旣薄儲蓄非有素幾回欲奮飛踟
躕復相顧孫登長嘯臺松竹有遺處相去詎幾許故人在中
路愛染日已薄解寂日已固忽乎吾將行寧俟歲云暮

憶昔北尋小有洞，洪河怒濤過輕舸。辛勤不見華蓋君，良岑
 青輝慘么麼。千巖無人萬壑靜，三步回頭五步坐。秋山巖冷
 魂未歸，仙賞心違淚交墮。弟子誰依白石室，盧老獨啟青銅
 鎖。巾拂香餘搗藥塵，前除死燒丹火元圃滄洲莽空澗。金
 節羽衣飄婀娜，落日初霞閃餘映。倏忽東西無不可，松風礪
 水聲合時青兕黃熊啼向我。徒然咨嗟撫遺迹，至今想仍
 猶左秘訣。隱文湏內教，晚歲何功收。願果更覓衡陽董鍊師
 南游早鼓瀟湘柂

昔遊

昔謁華蓋君，綠袍崑玉脚。人棺已上天，白日亦寂寞。暮升良
 岑頂，巾几猶未却。弟子四五人，入來淚俱落。余時遊名山，發

一夕遶山秋香露溼蒙萊新橋倚雲阪候蟲新露樸洛陽今
已遠越衾誰爲熟石氣何淒淒老莎如短鋏

高平東私路

侵侵櫛葉香木花滯寒雨今夕山上秋永謝無人處石磧違
荒澀棠實懸辛苦古者定幽尋呼君作私路

長平箭頭歌

漆灰骨末丹水砂淒淒古血生銅花白翎金箠雨中盡直餘
三脊殘狼牙我尋平原乘兩馬驛東石田蒿塢下風長日短
星蕭蕭黑旗雲溼懸空花左魂右魄啼肌瘦酪瓶倒盡將牛
炙蟲棲鴈病蘆筍紅迴風送客吹陰火訪古沈瀾收斷鏃折
鋒赤豐曾剗肉南陌東城馬上兒勸我將金換箠竹

宿王屋天壇

馬戴

愚公谷三首

青龍寺與
黎昕戲題

愚谷與誰去唯將黎子同非須一處住不那兩心空
寧問春將夏誰論西復東不知吾與子若箇是愚公

吾

一作愚

家愚谷裏此谷本來平雖則行無跡還能響應聲不

隨雲色暗只待日光明緣底名愚谷都由愚所成

借問愚公谷與君聊一尋不尋翻到谷此谷不離心
行處會

無險看時豈有深寄言塵世客何處欲歸

一作窺

一作臨

一作林

一作

南池夜宿思王屋青蘿舊齋

岑參

池上卧煩暑不權復不巾有時清風來自謂羲皇人
天晴雲歸盡雨洗月色新公事常不閒道書日生塵
早年家王屋五別清蘿春安得還舊山東溪垂釣綸

此月一四曉入太行山

李賀

都遊暮有陽臺期飄然世塵外鸞鶴如可追忽念公程盡復
慙身力衰天壇在天半欲上心遲遲嘗聞此遊者隱客與損
之客抱貴仙骨俱非泥垢姿二人相顧言彼此稱男兒若不
爲松喬卽須作臯夔今果如其語尤彩雙葳蕤一人佩金印
一人翳玉芝我來高高其事詠歎偶成詩爲君題石上欲使故
山知

隸題家池寄王屋張道士

有石白磷磷有水清潺潺有叟頭似雪婆娑乎其間進不趨
要路退不入深山深山太濩落要路多險難不如家池上樂
逸無憂患有食適吾口有酒醅吾顏恍惚遊醉鄉希夷造元
關五千言下悟十二年來閑富者我不顧貴者我不攀唯有

星斗半沈蒼翠色紅霞遠照海濤分折松曉拂天壇雪投簡
寒窺玉洞雲絕頂醮迴人不見深林磬度鳥應聞未知誰與
傳金籙獨向仙祠拜老君

天壇峯下贈杜錄事

白居易

年顏氣力漸衰殘王屋中峯欲上難頂上將探小有洞喉中
須嚙大還丹河車九轉宜精煉火候三年在好看他日藥成
分一粒與君先去掃天壇

初入太行路

天冷日不光太行峰蒼蒼嘗聞此中險今我方獨往馬蹄凍
且滑羊腸不可上若比世路難猶自平於掌

早冬遊王屋自靈都抵陽臺上方望天壇偶吟成章寄

天壇上境答馬少府

元 類

貞元二十五年五月十四日夜宿天壇石幢側十五日得
鰲厓馬逢少府書知予遠上天壇因以長句見贈篇末仍
云靈溪試爲訪金丹因以天壇上還贈

野人性僻窮添僻芸署官閑不似官萬里洞中朝玉帝九光
霞外宿天壇洪漣浩渺東溟曙白日低回上境寒因爲南昌
檢仙籍馬君家世學還丹

天壇歸

爲結區中累因辭洞裏花還來舊城郭烟火萬人家

石樓山見月

李 益

紫塞連山戍黃沙磧路窮故人今夜宿九月石樓中

天壇子時來一往還

初冬月夜得皇甫澤州手札并詩數篇因遣報書偶題

長句

清冷玉韻兩三章落箔銀鈎七八行心逐報書懸雁足夢尋

來路遶羊腸水南地空多明月山北天寒足早霜

履道所居在水南澤

州在太行之北地也最恨潑醅新熟酒迎冬不得共君嘗

石佛谷

皇甫曙

漫澶太行北千里一塊石平腹有壑谷深廣數百尺土僧何

爲者老草毛髮白寢處容身龕足跡隱成跡金仙琢靈像相

好倚北壁花座五雲扶玉毫六虛射文人留紀述時事可辨

析鳥趾巧均分龍骸極癩瘡枯松關榷枿猛獸恣騰擲蝓

食縱懸垂露疑商精藝貫古今官羨能變昔七而澤州餘

送王鍊師赴王屋洞

權德輿

稔歲在芝田歸程入洞天白雲辭上國青鳥會羣仙自以碁
銷日寧資藥駐年相看話離合風馭忽泠然

奉送劉使君王屋山隱居

殷堯藩

散髮風簷下沈沈日漸曛鷹拳擒野雀蛛網獵飛蚊羣動能
歸計吾生亦謾勤塵緣難著眼晚興寄青雲

秋夜月中登天壇

姚合

秋蟾流異彩齋潔上壇行天近星長大山深世界清仙蹤石
上起海月夜中明何許長來此閑眠過一生

月夜登王屋仙壇

顧非熊

月臨峯頂壇氣爽覺天寬身去銀河近衣霑玉露寒雲中日

登天壇夜見海日

朝遊碧峯三十六夜上天壇月邊宿仙人攜我攀玉英壇上
夜半東方明僊鐘撞撞近海日海中離離三山出霞梯赤城
遙可分霓旌絳符倚彤雲八鸞五鳳紛在御王母欲上朝元
君羣仙指此爲我說幾見塵飛滄海竭竦身別我期丹宮空
山處處遺清風九州下視杳未旦一半浮生皆夢中始知武
皇求不死去逐瀛洲羨門子

將之澤潞留別王郎中

李端

弱年知己少前路主人稀貧病期相惜艱難又憶歸事成應
未卜身賤又無機幸到龍門下須因羽翼飛

靈泉

碧水映丹臺
賤度淺沙
道通山下草
流出洞中花
素色如

應從鹵莽休雖作閑官少拘束難逢勝景可淹留君歸與訪
移家處若箇峯頭最較幽

盧秀才將出王屋高步名場江南相逢贈別

朱慶餘

王屋山人有古文欲攀青桂弄氛氲將攜健筆干明王莫向
仙壇問白雲馳逐寧教爭處讓是非偏忌衆人分交游話我
憑君道除却鱸魚更不聞

宿題天壇觀

劉澹

沐髮清齋宿洞宮桂花松韻滿巖風紫霞曉色秋山霽碧落
寒光霜月空華表鶴聲天外迴蓬萊仙界海門通冥心一悟
虛無理寂寞元珠象罔中

已赤山外夜初殘卽此是仙境惟愁再上難

曉發天井關寄李師晦

許渾

山在水滔滔流年歎二毛湘潭歸夢遠燕趙客程勞露曉紅
蘭重雲晴碧樹高逢秋正多感萬里別同袍

長平弔古

大愚公

長平埋碧血千古思悠悠哀壑青燐出雄風濁水流斷山吹
舊雨殘葦泣新秋何處欃槍沒悲悽若解愁

贈王屋道士赴詔

王建

玉皇符詔下天壇瓊瑁頭簪白角冠鶴遣院中童子養鹿憑
山下老人看法成不怕刀槍利體實常欺石榻寒能斷世間
腥血味長生只要一丸丹

胡山人歸王屋因有題

張籍

難竟區區命已輕人皆譏造次我獨賞專精豈計休無口惟
應盡此生何慙刺客傳不著報讐名

天壇硯銘

仙馬有靈跡在石稜而宛中有點墨跡文字之祥君家其

昌

題西白澗

太行之下清且淺一水盤桓紆山轉于峰萬壑不可數異草
幽花幾曾見波中白石隱復明風翻不動浮雲輕翠巒玉女
下雙鶴笑倚秋隼開新晴又疑武陵溪上原桃花溪盡空潺

上盤谷

韓愈

昔尋李愿向盤谷正見高崖巨壑爭開張是時新晴天井溢
誰把長劍倚太行衝風吹破落天外飛雨白日洒洛陽東蹈
燕川食曠野有饋木蕨芽滿筐馬頭溪深不可厲借車載過
水入箱平沙綠浪榜枋口鴈鴨飛起穿垂楊窮探極覽頗恣
縱物外日月本不忙歸來辛苦欲誰爲坐令再往之計墮渺
茫閉門長安三日雪推書撲筆歌慨慷旁無壯士遣屬和遠
憶盧老詩顛狂開緘忽覩送歸作字向紙上皆軒昂又知李
侯竟不顧方冬獨入崔嵬藏我今進退幾時決十年蠢蠢隨
朝行家請官供不報答何異雀鼠偷太倉行抽手版付丞相
不待彈劾還耕桑

何用學金湯
劔閣巖巖
飛鳥過赤眉
何路到蒼瀾

長平

胡曾

長平瓦震武安初
趙卒俄成戲鼎魚
四十萬人俱下世
元戎何用讀兵書

答宋之間

司馬承正

時既暮兮節欲春
山林寂兮懷幽人
登奇峰兮望白雲
悵緜邈兮象欲紛
白雲悠悠去不返
寒風颼颼吹日晚
不見其人誰與言
歸坐彈琴思逾遠

送廬霽秀才歸王屋

時將赴舉

杜牧

野店正分泊
蘭蠶初引絲
行人碧溪渡
繫馬綠楊枝
萼萼跡始去
悠悠心所期
秋山念君別
惆悵桂花時

溪幽泉間復逗崑側噴珠漱玉相交喧群猿見之走絕壁緣
峰虛梯弗勞力鳴禽回面背人飛爲是從來不相識杖藜因
貪仰面看碍石牽蘿錯移屐路窮曲屈疑欲回迤邐屏開一
重碧殘樽遇坐酒卽傾旋摘山果都無名題詩且欲盡佳句
觸歌翻詠仙難成天門幽深十里西無奈落日催人歸誰能
可屬天宮事爲我乞取須臾期上天無梯日不顧牢落歸來
壇未暮閉門下馬一衾寒夢想魂馳在何處

北青蘿

李商隱

殘陽西入崦茅屋訪孤僧落葉人何在寒雲路幾層獨敲初
夜磬閑倚一枝藤世界微塵裡吾寧愛與憎

天井石

韋莊

宋

寄題西京致仕張郎中靜居院

韓琦

院爲今之高平靜居村郎中名完有四堂夷心會真清白
金蘭

休官得晏閒理固居處靜中或不自達觸物撓天性遂令優
游心反致寂寞病二川有耆英識豈斯人並周才當要職美
譽著羣聽氣體殊未衰接禮請還政安居得西歸蕪沒治三
徑蕭然絕世行日以道自勝以靜名厥居內外了相稱君懷
本清虛復此林泉瑩君道本和樂况有琴尊令新堂闢四隅
立意尤高迺夷襟造真境友益具子令藥品稽神仙門法尙
忠正肌膚松菊香庭砌芝蘭盛天宜錫難老以示君子慶予

題天壇

杜光庭

壁立三千勿壇高接尾
箕頂藏青玉髓腰隱紫金芝月掛虛
皇殿雲封太乙池洞天
人跡少鶴宿萬年枝

聞前王使君在澤潞居

貫休

為善無近名竊名者得聲
不如心誠哉是言也使君聖朝瑞

乾符初刺婺德變人性靈筆變人風
土煙霞與蟲鳥和氣懸

美雨千里與萬里各各來相附信哉
有良吏玄識應百數

古者相傳有記云刺史滿一百即有好刺史來後有大寇至使君來正當一百人兩年後果有黃賊來公避地遠去

古人自古人自古人今日又見民歌
六七袴不幸大寇崩騰來

孤城勢孤固難錮攀轅既不及旌旆
衝風露大駕已西幸飄

零何處去發人空悲哀對生祠泣沾
莓苔忽聞誓寄河之北

歷相逐萬險，歷盡方到并。并州從來號慘烈，今日乃信非虛。
名陰煙苦霧，朝不散旭日。不復能精明，跨鞍攬轡趨上府。髮
拳鬢磔指欲零，炭爐炙硯湯涉筆。重複畫字終難成，誰言醇
醪能獨立。壺腹迸裂無由傾，石脂裝火近不熱。蓬勃氣入頭，
顛腥仰慙鴻鴈得。自適隨陽南去，何冥冥又慙。馮鳥識時節，
巖穴足以潛微形。我來蓋欲報恩分，契濶非徇利與榮。古人
有爲知已心，只恐凍骨埋邊庭。中朝故人豈念我，重裘厚履
飄華纓。傳聞此北更寒極，不知彼民何以生。

太行

象帝胚渾散，愚公轍迹開。橫行四極外，蟠據九河隈。弗鬱天
關近，崢嶸地軸回。陽崖明草樹，陰壑轉風雷。波沓羣峰涌，雲

亦希君者誤寵竊機柄無裨紫極尊動有赤松興
國苟錙銖竄身違陌阱雅志吁未借高山徒景行

遊開化寺

在舍利院

蒙山崦裏藏神宮朝蒼暮翠嵐光濃枯松老栢競醜怪危巖
峻嶺相彌縫

重經車輞谷

司馬光

昔年道經車輞谷直上七里盤南坡今年行役復到此方春
汗流如翻波中途太息坐盤石涕泗不覺雙滂沱我生微尚
在邱壑強若麋鹿嬰虞羅人踰三十只有老後時過此知如
何雲泉佳處須速去登山筋力休蹉跎

苦寒行

客至林閣借人看吟罷拂衣去籟聲雲外殘

琵琶洲

楊謨

晉城出郭十里餘嫩柳山花滿巖麓蒼苔踏蹬步亦艱百丈
懸崖掛層崖老僧正睡門不開習習陰風起幽谷耳聾不聞
琵琶聲但見一泓春水綠

古詩

黃廉

河東人物氣勁豪澤州學者如牛毛大家子弟弄文墨其次
亦復跨弓刀去年較射九百人五十八人同賜袍今年兩科
取進士落鈞連引十三鰲邇來習俗益趨善家家門戶爭相
高驅兒市上買書讀寧使田間禾不孳我因行縣飽聞見訪
問終日忘勤勞太平父老知此否語汝聖世今難遭欲令王
民盡知教先自鄉里丞羣髦古云將相本無種從今着意鞭

奔峭壁來猿崑垂磊落龍窟闕喧厯噴雨驚湍灑跳星巨石
頽平塗憂展折跬步戒輪摧覆頂干春雪緣潭萬古苔谷盤
容國士髓裂餌仙才晉市飛樵札燕郊落燒煤碁圖分冀野
蟻壤認叢臺在昔王塗塞嘗聞霸略恢嚴關陰伏甲間道夜
銜枚挾詐揮金斗貪功襲墨練戰場空燭火京觀悉蒿萊險
易曾何變興亡只可哀隆平方恃德襟帶自崔嵬

送仲更歸澤州

太行橫擁巨川回三晉由來產異才
屢墓乘春走鄉陌負書拂曉下蘭臺
河陽路側花應合天井關頭雪未開
會使鄉人驚六印莫羞今日敵裘來

訪益上人蘭若

巖羽

鍾乳敵仙茅

送張天覺河東提刑

送君應典鸚鵡裘，憑仗千鐘洗別愁。
脫帽風流餘長史，埋輪家世本留侯。
子河駿馬方爭出，昭義疲兵得少休。
定向秋山得佳句，故關黃葉滿行軀。

重陽登靈山

俯窺盤谷接天壇，平地危嵐豈易攀。
鰲足斷來移海外，天星落處化人間。
世塵汨沒誰常到，樽酒登臨我倦還。
歲歲邦民重九會，孟嘉休獨美龍山。

錢東之教授惠澤州呂道人硯爲賦長句

陳與義

兒曹

過靈泉寺

鳥噪僧眠春晝遲
松陰樓殿日高時
入門未脫征裘立
拂壁

先看學士詩

瘦馬行行不着鞭
一逢泉石便留連
每來無可相求索
只是

松窗借榻眠

經戰地

魯交

長平爭戰地
黠慘無人耕
戰士報國死
寒草迎春生
沙飛賊
風起畫黑陣
雲橫未持天
下箒何以掃
欃槍

謝王澤州寄長松兼簡張天覺二首

蘇軾

莫道長松浪得名
能教覆額兩眉青
便將徑寸同千尺
知有

行行入行是一步三丈危屣造似初夫何險此極左右無
底空前後至頑石高者欲作天朋黨深者疑斷地脈夜中
巖下埋斗杓日午陰壁風雷號攀緣有路到絕仞四望羣峯
合脊如波濤忽至偏側處咫尺顛墜恐莫逃嗟乎古昔未開
時隔絕往來人思淳源一破山岳碎巧心遂至緣險巖險
巖不窳甚可畏悼此二者亾其宜天地不自嶮嶮由人爲之
或車灌輪馬傷足中路勿歎勿慟哭世上安塗故有焉孰使
以行此道驅高軒喪墜不收宜爾然

宋騎吹曲李侍中妾歌

謝翫

李筠愛將惟儂珪美人姓劉筠待兒城危搶撥不得力雨損
鉛華帳下啼擁髻前言馬有幾猶說閨中那問此赤龍從東
乘日車火繞城門內蛇死英雄際會風雲奔婦人思報羅裳

君不見銅雀臺邊多事土走上觚稜蔭歌舞餘香分盡垢不
除却寄書林污縑楮豈如此瓦凝青膏冷面不識奸雄曹呂
翁已去泣餘泣通譜未許宏農陶暮年得君真耐久摩挲玉
質雲生手未知南越石虛中亦有文章似君否西家撲滿本
第鼻趣清尚濁何年分一朝墮地真瓦礫莫望韓公無瘞文

奉答勲師山中見寄

李之才

羨子幽棲地空山十月天清簷朝飮後寒壁夜深禪霜樹留
殘果冰畦斷舊泉劉雷好爲社邑客有誰賢

秋郊晚望

善勲

華郭外登臨凝眸秋色深樹凋分岳面雲破露天心新雁當
空續殘陽隔隴沉盤桓傷急景回首動微吟

何前... 彦倫進士

聖門非入室文陣敢爭盟不意棲雲閣何才缺月卿
珍禽憐未至霄鴻引修程直舍有仙味秘庭無俗聲
午陰宮樹綠宵刻禁鐘清奉制歌三秀稱觴聽古英
恩輝孤易感交結淡難成新髮鑑中改舊山天際橫
纓思漁父濯春伴隼旗行桃浪觀秦遠薰風省舜城
幾多興廢跡重疊古今情進退思先覺嗟此畏後生
見貽如美錦欲報念英瓊淨揖澄江練高窺擢露
莖復驚聞正始終仰輔登閣好勵圖南志翺翔覽四瀛

太清觀

宋雄飛

易覺春光老難消夏晝長問囚傷道氣嚼句療饑腸
殿古苔浪澁壇高檜影涼黃冠誰可語試與辨亡羊

辭陽城湯廟

張之才

恩

長平懷古

孫冲

邯鄲無策信馮亭上黨須貪澤起兵趙括母言猶不聽當時

誰肯計長平

朱正辭

前題

草泐荒壘對長亭在是當年殺趙兵今日聖朝無一事只聞邊戶樂昇平

衍祥符壬子歲出宰平隄道由泣氏嘗賦長平詩二韻天聖己巳後忝移用觀孫朱二君留題爰錄於此天聖九年

杜衍

八月

馮亭獻地豹言非秦間廉頗又不疑四十萬兵降後死渾輸

遊天壇三十二韻

林靈素

擺脫塵纓淡無欲閒閱圖經尋岳瀆林泉何處愜予心收拾
琴書將卜築崎嶇不敢千里辭東至太行入王屋先探藏花
塢裏春蟠桃畢竟何時熟煙蘿故宅陽臺宮九龍戲珠畫屏
簇丹井沉沉浸月明了髻仙童把參斲昂頭貪看華蓋峰慕
然悞入紫微谷上方樓閣與雲閑金碧交輝射林麓遠塵溝
有遠塵人夜半聞歌採芝曲策杖窮躋瘦龍嶺險似劍閣西
向蜀捫參歷井上冲冥千仞斷崖橫獨木自晨及酉脚力窮
恰到紫金堂下宿再拜新嘗太乙泉頓覺洒然消病骨褰衣
竟入南天門回首乾坤小蠻觸恍兮惚兮九霄間萬頃嵐光
醒醉目恭叩仙壇禱真壇壇與天通隔塵俗銀座金腰玉頂

一官來此四經春不負蒼天不負民神道有靈應信我去時
猶似到時貧

上太行

徐範

路繞羊腸躡屐躋萬山金碧總堪題舉頭日月中天近極目
乾坤五岳低自笑鹽車騏驥厄誰憐荆棘鳳凰棲欲投古寺
禪房宿喜見僧歸落日西

過太行山

茫茫遠樹隔煙霏獵獵西風振客衣山雨未晴嵐氣溼溪流
欲盡水聲微回車廟古丹青老碗子城荒草木稀珍重狄公
千載意馬頭重見白雲飛

天壇靈壽杖送莘老

黃庭堅

四徵事五色雲封種玉田

孫王簿惠上黨寺壁胡濡然書墨迹一匣

正興詩式下其景之不入其景其景其景梅堯臣

上黨佛祠何可觀開元瑞物圖高閣又有長廊古壁上復是

名輩題丹雘當時泥用絲作筋意欲千載無剝落書奇畫妙

了不識訛傳墨土能治平聲瘡寺僧不惜人指取筆畫遂缺如

鳥啄後來好事恐磨滅寶刀裁剗泥如剝取之龕置綠板匣

便寶箱楮同美璞拂拭還看體勢生盤屈蒼虬舞鸞鷲在昔

不畏屋壁壞今也常恐兒童撲夫君知我心所重南歸贈以

致誠慤此時雖喜落吾手老大腕硬無由學但當拜貺不敢

忘莫爲報言曾未數

寒帝遣仙官分部屬小有中藏萬里地都壓洞天三十六日
精月華左右竒黛色倚空如削玉東觀中海日輪紅西望窮
邊壇影綠煉丹爐下土猶香抱出神丹知幾斛巡山使者持
太阿保護神宮誰敢黷王母洞深非可測雷霆屢震蛟龍窟
遙指三官校勘臺樵人幾度聞絲竹抱朴岩前採藥童手撚
芝身薜服北斗平聯北斗星自是天關通地軸麻籠藥櫃
翠相連瑞草靈苗香馥郁或聞仙犬吠仙燈或睹仙人跨仙
鹿竒蹤異跡難盡言更欲題詩毛穎秃短歌聊寄利名人誰
肯同來伴幽獨一聲長嘯坐孤石紫雲悠悠送黃鸝箇中疑
是麻姑仙冷笑世間光景促

可依此身寂寞已如此我母在家應憶子子今豈不思其親
空有舊心無舊身兒歸兒不歸春已暮朝多風夕多雨山雖
有泉隴無黍兒寒有誰訴兒饑與誰語萬物羽翼皆相隨兒
今不得兒子母兒歸兒不歸年年三月種麻時此聲煩且悲
聞昔一母而兩兒于已所生獨愛之麻生指作還家期唯憎
者來愛者去物理返覆不可知天公豈欲故如此善惡報敏
如墳甕至今哀怨留空山長爲鑒戒子母間豈獨行客愁心
顏兒歸摧痛傷心肝

金

留題長平驛

梁 鏜

秦趙均爲失霸圖起何殘忍括何愚殺降未見無禍者累將

兒歸行

孔武仲

竹元珍云澤州山中暮春之月有鳥啼曰兒歸者其聲甚哀問之鄉民云昔有里婦愛其子而憎前室之子欲逐之未有計乃於種麻時熟其半生其半使二子分種曰麻生乃得歸而讓以熟者與已子久之所惡之子歸而已子不返往視之則已化爲飛禽啼曰兒歸今鄉人以爲種麻之時候余以謂人之憎愛藏乎胸中陰謀所發乃在分種之際而心手倒錯事與願違朝人暮禽子母生隔似有巧者主張斡旋于冥冥之間天網雖疎其應甚密則夫爲人上而接其下用心積慮可不戒哉又知天之所以垂戒示迹于人者殆將使之推類以自廣非獨此一女子也乃作詩

一月衰顏笑幾回生前相遇且銜杯蓮塘十里花如錦有底
根時不肯來

松嶺謁李衛公祠

潯石太行顛繞郭山如帶西南古松嶺傑出羣峯外巉巖聳
熊耳隱隱負鰲背小樓不垂簾倚欄日相對春風遇休沐浴
累謝機械寸心渴登臨老氣鼓衰憊陰崖冰磴滑凌澗鳥道
隘瘦藤盤絕頂清境豁眼界衛公廟貌存英氣凜如在法輪
靈迹古殿閣啟綵繪祖燈相繼續劫火不可壞盤亭接天壇
胸次何芥蒂蒼流會清泚緣絡分支派翠巒臥浮雲幽壑產
珍怪松風咽笙磬巖溜響環珮此來真勝遊所適了無礙不
作白頭吟且償行脚債可喚千金兒漫寫垂堂戒

其能有種乎日暮悲風噎丹水夜深寒月照頭顱山名快心千
載杜郵劍人所誅耶鬼所誅

過省冤谷

周昂

嬰兒偃蹇正堪孩換得山西老將回往者不追來不戒莫將
家世論人材

沁水山寺

王寂

兩峽山高月半輪五更人起馬嘶頻無端又上長安道輸與
僧憇飽睡人

悲長平

蕭貢

秦兵伏甲武安西趙將非材戰士攜千里陣雲沉曉日萬家
屋瓦震秋聲哀纏朽骨天應泣怨入空山鳥不棲百戰區區

叢中竹徑幽
雨印莓苔滑
蟻展雲昏
香火燦層樓
晚晴僧話
渾無事
茶罷吟餘坐聽鳩

可愛林泉人樂此
深幽處清虛絕六根
俯仰靜萬慮
身世總空花
禪心作泥絮
願結閒因緣
西風送來去

海會寺宴集并序

曩自洪園受代來
陽城省覲家兄而適以事趨州
因拉何良知楊嗣卿鄭德光劉邦美相過於此
縱觀壁間諸公詩有以竹徑通幽處爲韻者
遂用下五字禪房花木深各賦一篇以紀其來
大定五年四月四日李致美題

何慮

槐柳陰陰首夏天
閒門塊坐正蕭然
忽蒙蘭友邀爲伴
來訪

海會寺詩并序

徐守謙

寺主潭公告僕昔有竹徑通幽處禪房花木深次以十韵
留題于壁爾後風雨所壞遺失五韵為終身之歉於是稽
顙再四命僕復成前五韵為後人捧腹云時泰和乙丑閏

八月十有四日

官身幾日閒因公訪幽獨盥漱滌龍泉睥睨面金谷晚風干
古清宿雨萬峯沐曾次不勝寒况復飽松竹

渭川千畝陰斤斧成蹊徑斜橋便脚力流水增詩興白晝靜
寂秋風和鐘磬何當陪蓮社詩酒論奇勝

行盡溪崑見籜龍石梯高與路相通雲藏佛骨潛山鬼草隱
秋聲話夜蟲翻鞵扶身輸衲子蒲花吹雨散天風我來借榻

凌晨策蹇從知音來謁龍泉溪路深一派寒泉通亂石萬竿
脩竹嘯幽禽虛簷列坐棋酣戰小徑閒行酒旋斟珍重老僧
延倦客清談疊疊滌塵襟

右寺壁石刻郭方書全金詩所載禪字韵闕名花字韵
不錄木字韵作縣丞鄭輝深字韵作劉邦彦又有禪

字韻一首

楊天衢

屋上青山屋下泉泉聲相雜竹琅然人生有限興無限海會
結緣終有緣身外豈知真佛計忙中聊後定心田那堪更著
瀟瀟雨妝點清虛助客眠

寄申百勝三首

劉昂霄

道氣南山相與高爭教塵土浣青袍征科頗似曾料理差勝

蓮宮一問禪粉著衣襟穿翠竹冰生齒頰漱寒泉晚來更看
前山雨共借西軒對榻眠

楊之休

碧玉千竿蔭薜牆水聲山色近禪房一軒疎雨僧棋靜滿榻
清風客夢長隔葉幾聽溪鳥弄媚盤尤覺野蔬香賦詩把酒
龍泉上共掃餘花坐晚涼

李晏

地僻人行少溪深路趁斜解鞍投翠篠倚杖問黃沙石罅涓
流水林梢臥晚霞此心機盡矣何必染衣花

鄭輝

吾儕愛山水乘興遊金谷修竹蔭寒泉層巖排古木風軒正

遊法輪院

許安仁

太行岡嶺橫漫漫撐空一帶雲霞間
巨鰲背負數州出重重山上復有山高
都城頭見松嶺突兀雙峯螺髻並
招邀折城揖王屋指顧硤石瞰天井
蕭蕭風葉滿山秋巖巒掩抱雲林
幽攀崖轉壑路欹側雖有佛刹誰曾
遊年豐郡邑閑無事琴酒招呼二三
子題詩古壁贈山僧畧記衰翁曾到
此

自靈泉寺詣偃月山

李廣

立馬松間首重回亂峯無數翠成堆
爲尋偃月山前路直向白雲深處來

題天壇二首

邱處機

峩峩峻嶺接雲衢古栢參差數萬株
瑞草不容凡眼見靈禽

參軍作馬曹

執版那能拜下風
世間禮數困英雄
狂歌醉舞人誰議
憔悴

通泉郭代公

連昌能隔幾牛鳴
不見令人鄙吝生
乘興時思一相訪
劇談

豪飲見真情

題裕之家山圖

萬里神州劫火餘
九原夷甫有餘辜
作詩爲報元夫子
莫倚

家山在画图

敦諭講經清虛大師孫仲遠

趙秉文

山陰道士留鵝去
縱嶺眞仙跨鶴來
一味清閒是仙職
請師

簪頰上清梅

生還蘇子卿

藺相如墓

田天澤

翠疊峯巒步幃新上卿廟貌萬年春
可憐完壁歸來後故里蕭蕭也入秦

遊石壁

郝天挺

絕壁秋雲勝荒墻冷氣清野僧遲客飲
山鳥習人鳴已極登臨興無窮
今古情誰歌入樽酒四海共昇平

雪行

秦 畧

匹馬東來冰雪天蒼山手冷墮吟鞭
煙中髣髴聞鷄犬不覺人家到眼前

李秀峯

只傍道人呼鑿開洞府羣仙降煉就丹砂百怪除福地名山
何處有長春卽是小蓬壺

四面諸山若附庸突然中起最高峰每看晴日移壇影常說
寒潭卧黑龍沉澗要種千歲藥茯苓先斲萬年松擬尋活計
叅真趣又隔烟蘿第幾重

白巖寺羣山環抱村落相望亦奇觀也惜乎無水因作
絕句書石當有水出

李晏

只有山光無水聲我疑神物固巖扃如何鑿得飛泉出當爲
山僧叱六丁

山寺尋春春已遲紫梅猶有新殘枝老僧兀坐如枯木花謝
花開總不知

煇出岩竇我豈無盡公昔見今乃又同來二三子寢飯故相
就况有杜紫微琴筑終雅奏曠曠上初日深樾爛穿漏透迤
逦兩巘萬里若迎候絕壁三面開仰看勞引脰兩山老突兀
屹立柱圓覆諸峯出頭角隨起隨偃什不可無煙霞朝暮爲
先後橫亘連巨鰲飛墮集靈鷲九華與奇巧五老失渾厚想
當位置初遂欲雄宇宙太行有馱谷勝絕無出右大似塵外
人肩宇見高秀哀湍下絕壑電擊龍怒鬪崩奔齧雪窖瑩滑
瀉瓊甃窮源得懸流偉觀駭初邁僊人寶樓閣白雨散簷溜
天孫拂機絲素錦絢清晝永懷登高賦意匠困馳驟窘於游
鼻秦百說不一售林間太古石稍復杯飲舊已約銘窪尊細
鑿留篆籀茲山緣未了僧夏容宿留終當丐餘年奇探盡雲

平滑石之俗其俗少磨礪磊石之秀其秀在醜中正如古
丈夫貌寢氣質雄又如聖人心孔竅虛明通大都一拳許含
蓄華與嵩大巧本若拙足見造化功好處元更多摹寫不易
工君其善調護抵擊防兒童

穀靡靡

上黨公府作

穀靡靡青割將來強半批急忙舂米送官倉只恐秋風馬塵
起官倉遠在莠麥山南梯直上青雲間梯危一上八九里之
字百折築廻環憑誰說向監倉使斛面莫教高一指請君沿
路看擔夫汗顆多於所擔米

元

寶巖紀行

元好問

舞中庭謝靈貺何曾辦作劉更生下照乃辱青藜杖昨朝黃
華瀑流神所憐今朝金門佛燈佛作緣紛紛世議何足道盡
付馬耳春風前

送詩人秦畧歸蘇墳別業

三月不見君渴心欲生塵論文一樽酒雅道誰當陳昨朝見
君臨水句乃知抽青配白非詩人南山明月北山雲恨君不
作西東隣擊鮮爲具非無好事者天隨杞菊年年新石田茅
屋連蘇墳兩兒力耕足養親君詩或者昌晚節不應道路長
逡巡白髮刁騷一幅巾豐年鄉社樂閒身蹇驢馱入醉鄉去
袖中知有詹山春

西溪二仙廟留題

岫

賦澤人郭唐臣所藏山谷洮石研 研有銘云王將軍為國開臨洮有司歲饒

可會者六百鉅萬其于中國得用者此研材也研作壁水樣

舊聞鸚鵡曾化石不數鸚鵡能瑩刀縣官歲費六百萬纔得此研來臨洮元雲膚寸天下徧壁水直上文星高辭翰今誰

江夏筆三錢無用試鷄毛

嶽谷聖燈 九月五日作

金門寺前山突起井底寶巖三十里舊聞聖燈在山上紫微侍郎宜不妄山空月黑無人聲林間宿鳥時一鳴游人燒香仰天立不覺紫煙峯頭一燈出一燈一燈續一燈山僧失喜見未曾金繩脫串珠散迸玉丸走梓光不定飛行起伏誰控

羊腸坂

浩蕩雲山直北看
凌兢羸馬不勝鞍
老來行路先愁遠
貧穢辭家不覺難
衣上風沙欲憔悴
夢中燈火憶團圓
憑誰為報東州信
今在羊腸百八盤

高平道中望陵川二首

此縣先隴城府君泰和中舊治

列宿澄明墨綬尊
中臺良選到名門
來時珥筆誇健訟
去日攀轅餘淚痕
一片青山幾今昔
百年華屋記生存
泰和遺老今誰在
向道甘棠有子孫

鈴閣文書到酒卮
諸曹小吏亦鈔詩
座中佳客無虛日
簾下歌童盡雅詞
棠棣有花移舊巧
櫻桃和露鞞繁枝
書郎零落

頭今白腸斷荷衣出拜時

棠棣櫻桃皆當時舊事

期歲之間一再來青山無恙畫屏開出門依舊黃塵道啼殺
金衣喚不回

天井關

石磴盤盤積如鐵牛領成剗馬蹄穴老天與世不相關宣聖
栖栖此迴轍二十年前走大梁當時塵土困名場山頭千尺
枯松樹又見單車下太行自笑道途頭白了依然直北有羊
腸

題張彥寶陵川西溪圖

松林蕭蕭映靈宇爍石流金不知暑太平散人江表來自訝
清涼造仙府不到西溪四十年溪光林影想依然當時膝上
王文度五字詩成衆口傳忽見畫圖疑是夢而今塵土浣華

溪童相對採椿芽指似陽坡說種瓜想得近山營馬少清秋
深處有人家

流聲洶洶落懸崖見說蛟龍擎石開安得天瓢一翻倒躡雲
平下看風雷

仙壇倒影鳳麟洲一道雲光插素秋也是天公閒不得海東
移著海西頭

道民終不忘天台姓氏依然在蜜崖爲問松臺千歲鶴白雲

何處不歸來

近歲盧氏蜜崖人迹不及處有題字云道
民天台司馬承正過松臺卽白雲老墓處

仙人龍躡玉爲鞭石穴留書世不傳弱水蓬萊三萬里青山

今古幾何年

近年人有得司馬先生石穴
所藏丹經予獲觀于山陽

擬著茅齋北斗平殘年細讀洗心經詩成應被盧仝笑曾見

玉溪 端氏

邂逅詩翁得勝游，烟霞真欲盡崧邱。
玉溪如此不一到，今日曠然消百憂。
林影蒼茫開霽曉，岼容瀟灑帶新秋。
酒材已辦須君釀，要及西風入釣舟。

贈荅郝經伯常伯常之大父予少日從之學科舉

故家遺玉自成淵，重覺英靈賦予偏。
文陣自憐吾已老，名場誰與子爭先。
撐腸正有五千卷，下筆須論二百年。
莫把青春等閑了，蔡邕書籍待渠傳。

遊天壇雜咏八首

芳樹陰陰鳥語諱，綠雲晴雪映紅霞。
青山可是堪人恨，藏著中岩十里花。

題北臺觀壁

幾年空負北山移今日方知見是遲
猶憶王鳧初去後忽夢
丁鶴暫來時雖無壁上題名記頗愧棠陰聽訟詩
指似荒城舊遊處西風搖落菊花期

遊司馬山

千年古廟映崇岡寂寂空庭草樹荒
見說旱時求得雨一池
慮有老龍藏

寄同年趙庭幹

余闕承安庚申登科記三十三人革命後獨與高平趙庭
幹二人在一日邂逅于鄉邑哽咽道舊壬寅五月庭幹復
挈家之燕京感慨忍淚書五十六字寄之

青山養伯齡

盧仝送伯齡出山云伯齡不厭山山不養伯齡予以早當出山故云北斗平在天壇之後

寄荅景元兄

故人相念不相忘
頻著書來約對牀
甚喜樵夫與爭席
所憂簿吏復登堂
春風和氣隨詩到
洛水秦山引興長
奮袖高談夜窓白
幾時危坐聽琅琅

碧落寺

李俊民

浮雲翳炎景
長夏愜幽事
相陪林下友
共造金碧地
清流漱寒玉
老樹聳蒼翠
何人開山祖
妙處發天秘
悠悠歲月深
剝落磨崖字
遨遊興不淺
有酒留客醉
幽鳥背人飛
不慣聞鼓吹
抵暮出山門
溪風送歸騎

遊青蓮寺

感通豚蹠豆酒道傍祝所獲神賜亦已豐閭閻疾苦還知否
我爲大夫歌大東

宿海會寺同孫講師明上人趙叔寶劉巨濟夜酌

佛堂光未放桑下喚難回是處皆堪歇何山不可開泉西龍
吐出經白兔啣來經向黃沙道尋僧問劫灰

青山雲水窟錫杖幾時來竹待香嚴擊松經道者栽西江無
水汲震旦忽花開三笑圖中友同領破戒盃

過星軹

古道開天險危峰拔地形運管南北成過客短長亭野燒驚
山鬼胡雲掩將星何人弄羗管哀怨不堪聽

送郡侯段正卿北行二首

冀將小錄問同年風采依稀墮目前三十一人今鬼錄與君
雖在各華顛

君還撲幼去燕然我向荒山學種田千里暮鴻行斷處碧雲
容易作愁天

綵樓

并序

高平縣綵樓聞之舊矣今始親見議者猶謂高下侈麗不
及向者三分之一因感賦之

層層華構高且崇萬綵糾結填青紅何人下手奪天巧都入
意匠經營中書契以來未省見異事驚倒百歲翁郢斤般斧
莫敢近欲立屏息慚無功寒窓憂憂鳴機婦積年杼柚一日
空山川謂可錦繡裹塵土盡皆羅綺封前者攀轅後者挽奔

乙未歲旱自春徂夏五月丙申澤倅趙公唐齋沐潔誠就
司馬山祈禱八日庚子大兩年穀遂登民物安逸累獲嘉
應次年丁酉孟冬巳丑公與本郡僚屬父老人等具牲幣
酒醪簫鼓之禮仰荅神休仍求嗣歲祭畢聊識歲月云爾
去歲不雨民憂深愆陽元甚多伏陰冥冥造物豈難料感以
志誠神所歆我公默禱若響應出岫誰謂雲無心天瓢疑是
池中水三日以往者爲霖淋漓元氣滿人望鮮愠何止薰風
琴家家豚酒樂豐歲空山鼎沸簫鼓音春祈秋報有常典仰
荷靈貺如桑林

登山同謁吳泰伯祠

老樹凋殘盡靈祠寂歷中古今時易改幽顯意能通歲享屢

征途萬里朔風寒過盡陰山復有山歲既在于辰已後星多
客向斗牛間漫漫積雪無冬夏切切飛鴻自往還若到龍庭
試回首太行一片白雲間

獵獵霜風墮指寒一鞭行色抵天山馬嘶衰草孤烟外雁沒
長空落照間入塞盡穿瓊帳過去鄉須待錦衣還功名大抵
黃梁夢薄有田園便好閒

雪後送寶泉之碧落

洒面輕風不作寒天花散落滿人間殷勤行脚休辭遠出得
城門是雪山

下太行

山中日日伴雲閒不見閒雲只見山君去試從山下望青山

行春冠 暫躊躇誰信東山面目疎興盡奚勞風送客氣和

不覺雨隨車移民雖恨梁加少腐粟尤誇漢有餘獨欲吾儒

有何貴自今牛角莫橫書 傷儒人
種田事

游青蓮寺值巨川彥廣二上人出

寂寂荒庭落葉堆與誰重上遠公臺青山不辨留人住立盡

秋風僧未來

遊石堂山

雨後青山畫不如筭心人去有誰居紫雲空鎖神清洞不見

丹崖四字書

碧落院松

霜餘亭亭聳碧空幾年春雨養髯龍也能說得菩提法何處

豐樂俗追三讓風送迎人散後落日亂山空

陽城懷舊呈陽敬之燕子和李文卿

路稜傷時事春歸感物華
風波千萬丈烟火兩三家
樹杪失巢燕墻陰無主花
當年人不見何處是生涯

再赴陽城用韵別范卿子雲正之

誰使腰間印欲懸不知面上唾纔乾
先生敢以督郵去坐客莫將官長看
祖席又成推乃手別離杯何苦上脣酸
且休獨落高陽社來往雙鳧也不難

段侯行春顯聖觀吉音雨

癸丑季春小旱清明後七日段侯正卿行縣回會名流盛

士五十餘人於仙翁山下之顯聖觀湏臾雨作自未至六

猶傍法堂飛

上陶固嶺

匆匆出郭曉風寒，一片雲收爽氣山。
上盡坡陀試回首，人家
任在翠微間。

戲北臺孫講師仲遠

何處閒田不可耕，山頭烽火水邊營。
道人高臥雲千頃，留取
南臺與鶴鳴。

碧落四景

鬢龍起後願相從，便有人間潤物功。
一片青山是歸處，無心

更逐渡溪風。

橫峯卧雲

漠漠山陰雪擁門，何時天道變寒暄。
雖然不是回光地，猶得

人間有萬松

寄大師孫仲遠講道經

鶴骨仙人別後臞無由得近嘯臺居我師不了公家事絳帕
蒙頭說道書

遊青蓮寺分韻得春字并序

已亥莫春十有八日劉巨川濟之濠漢臣王特升用亨郭
甫仲山姚昇子昂史顯忠遂良同遊福嚴禪院與巨川彥
廣二山主道舊兵革之餘不勝感歎仍以春山多勝事爲
韻賦詩以紀其來

四面山圍故故青茶烟榻畔坐忘身與師貪論安心法門外
飛花送却春

之陽初爲識者笑將陵岱華氣欲吞嵩少方尋憑谷歸稍
近孫臺嘯微茫數烟岫巉絕對雲嶠爲我增雙明未必在遠
眺始雖如面友久得乃心照恐隨有力去或被移文詣已見
成膏肓百計莫可療一時烟霞語慎勿駭廊廟咄哉肖山堂
所以警不肖

和平太行路韻

鑿開險阻若天成暫使時間眼界平却羨長平西去路青山
不管送人行

上九里谷與濟之君祥仲寬李德方朱壽之姚子昂同

遊漫興

太行巍巍形勢尊造物設險雄中原巨靈一朝擘石裂連峰

陽和幾許恩
陰壑積雪

瀝瀝山泉枕畔鳴
六根先得一根清
從來只向琴中聽
不識

徽絃意外聲
寒泉漱玉

門前老樹數難推
獨有栽松道者知
半夜風催山月上
政當鶴睡覺來時
枯松挂月

宿橫望集句

遠上寒山石徑斜
月臨荒戍起啼鴉
故鄉今夜思千里
每到花時不在家

九里谷

九曲羊腸路千層
劔戟山行鉤藤蔓刺坐
印石花斑樹登三

暮暮雲歸萬壑閒
相陪林下屐雖倦不知還

靜卧月東出林影布地翻瑤琨天風吹空萬籟息明星當上
手可捫恍然入境兩奇絕月露一洗清心魂世間塵土幾千
丈有夢不到瑤臺垠人生幾何胡不樂例自跼束駒服轡惜
哉清景不可駐一聲啼鵲開林煙明朝人事隨日出坐看蟻
穴蜂衙喧

過天井關

劉秉忠

雲冷風高天井關太行嶺上看河灣九州占絕中原地一壘
攔回左界山王霸分爭圖未捲英雄鏖戰血猶殷華陽春草
年年綠汗馬南來不放閒

寄李俊民

秦志安

先生高見真吾師速營菟裘猶恨遲窳明坑爨十笏地松風

忽斷開山門侵雲直上幾千尺挂壁一徑愁攀援十步回頭
五步坐慄慄汗出如漿翻清風掖至最高頂下視寰海塵埃
昏天壇咫尺若有待顧我不往暫食言世間好處豈不愛騰
力雖盡心長存爲君試寫遠游興夜半月出清吟魂

宿仙山朝元觀題示

太行北走開四門川原落落風煙屯仙山西峙如虎踞石嶺
東抱猶龍奔道林中盤百餘畝顧揖殿寢何雄尊仙翁得仙
事悄悄碧霞洞正元元孫百年朝元去不返寶籙秘泄風雷
燉陰訶護石壇古老雨留漬蒼苔痕緬懷矯矯東瀛老變
化能大天溟鯤謝公本是濟時具誰使卧老東山墩豐碑不
愧蔡邕筆且拜遺像儼以溫我來夏交樹陰翳萬楹翠瑣分

窮奇無不至嘗借莊周十日還成語未嘗遺一字萬言默識
殆片時記問區區總餘事詩文清雉簡且高關步不讓坡谷
豪散談四座誰敢言橫膝搖吻獨滔滔未見皆如汲冢竹割
開砉若并州刀超遙孤風送行雲爽朗夜月虛秋濤初欲有
爲下天井寡鶴遂抱霜毛整時危事去可傍人清露滿天還
自警終不一到當塗門回視俗子徒紛紛洛城西南有佳處
竹間水遠梅花村此中儘可嚼佳句笑傲煙霞有深趣著書
藏山不示人坐看石田生老樹九臯清淚誰不聞海內至今
揚清芬鄉間晚生不及見掩淚空讀遺山文

弔石勒塚

都門長嘯氣憑凌瓜割中原霸業興夜葬山間人不見至今

蕭蕭和陶詩

山野已尋雲外路直入天壇最深處踏開李愿舊游踪請君

自草盤谷序

太行望

郝經

半天遮斷連青城參差雉堞雲間橫當時十歲初度河舟中
錯愕來相迎今年恰得到蘇門百泉亭上更崢嶸千岳萬壑
入絕壁落日倒銜山盡赤玉立萬仞磔鯨牙金翠千層擁
蒼天沈影重看不足雲淨煙虛晚尤碧西北兩峰寒云是雙
石人不覺淚橫臆患難思二親一從戎馬三十年桑梓慘澹
埋荆榛何時笑兀過絕頂拜掃坵園見鄉井黃沙神頭圍有
千尺松灑盡苦淚吟長風注目只向東海東

贈司馬道士

仙界清涼亦陸沉，風流儒素渺難尋。
白雲自解留佳客，青嶂端能鑠壯心。
知已未論鵬鳥賦，移人先聽水仙琴。
野夫近有南來興，乞我庵前十畝陰。

司馬氏陵川名家陵川或謂清涼境界

郝生知林州

到處雲山是我師，不愁無物慰相思。
只從降慮烟霞色，領取幽人笑傲姿。

雪中過寒碧軒訪潛叟道人

吳 璣

琳宮邃宇藏風烟，簷簷競長碧玉椽。
縱縱繞屋莖佳色，門階戶席俱森然。
我來正值天飛雪，點綴瓊花更奇絕。
旋然石鼎煮新茶，坐看遙山吐微月。
月登疎影夜沉沉，窻前愈見歲寒

猶有守墳僧

去三汭見太行

二年大河間胸次洶餘浪身與天根浮泱泱隨下上靈槎杳
虛舟顛倒泥底樣恍疑渾沌初溟滓天水象揚鞭得西歸瞻
目爲一放舉首見太行逸翠蜚萬丈爽朗肝膽張豁達噐宇
曠眞宰聳竒骨頓覺天地壯茲山自佳色何乃氣凋喪吾家
在椒曉老霧橫莽蒼松楸日樵採山靈亦淒愴何時鶴髮翁
携我踏疊嶂雖無錦繡裹粗著文彩狀山河表裏全自古更
霸王於今何索然死石徒映向在人不在山先民語無妄行
行重行行落日兩相忘

送郝季常赴正陽幕

自古徒兵澤路雄選齊尤見四州公堂堂氣與擊聲壯閃閃
旗翻日脚紅

爲聲催日上牙城白羽風清坐闕兵盾鼻恐煩磨檄墨莫教
華髮等閒生

遊青蓮寺

上方層閣倚晴烟回合諸峰聳碧蓮午枕不容詩夢就天風
吹雨下危顛

山行雜詩

太行元氣老洪濛草樹風前帶潤容山色只宜差遠看近移
空翠上高峯

西來遊宦半忙閒六日迢遙道路間回轉羊腸三百里天教

心道人莫厭勤灑掃此君與我相知深

大定乙酉石刻元妙觀中

過鹿臺山

王 惲

遠尋文石岡來歷南山纏鹿臺臺為山幽徑蟠古篆後峪行
 未盡前嶺已當面秋聲蕩林樾風露淒以泫陰壑氣蒸鬱疑
 有虎豹變山田苦無多溝畹耕已遍柴椽結半空羅絡碧巖
 轉自憐終歲勤獸患防一旦我本山中人束帶對郵掾頓然
 還舊觀瀟灑償夙願行經雙蟾嶺石怪驚變現闖首榭樹間
 氣自太古鍊月中誰推墜囚鎖屬山縣乃知北平守認虎飲
 羽箭物肖本偶然長歌下層巘

午憩陽城北靈泉寺

倦客鞍催急靈泉一解鞍在家貧亦好行路古來難寺古松

南昌趙氏子早歲遭艱虞骨肉不相保萬國爲囚仁釋縛燕
趙聞遂爲鄭家奴蕩蕩天宇潤一壘日月徂轉瞬四十年朝
夕勞且劬王翁豈無恩不得齊民俱王翁父子沒悉力持且
扶有客南昌來邂逅談厥初問知家中事五內猶摧剝父兄
死未葬有母八十餘再拜王母前涕泗下漣如委曲陳其情
願母哀其愚王母爲之悲暫許奉康娛星言整去裝策馬登
長途山川日以異旬朔奄相踰日暮不留行忽已臻其廬升
堂拜慈母再世得相於慟哭父兄前鄰里皆歛歛生者幸少
慰死者歸黃墟王恩不可忘母養不可虛黽勉與母辭復返
鄭氏居王母驚且喜左右咸懽呼趙子令至前授以咫尺書
汝孝通神明汝義薄天衢永爲故鄉民汝去勿躊躇趙子再

馬上飽看山

沁水山中雜咏

石徑穿雲曲又斜
蒼松影裏見仙家
一溪流水清如玉
送出山中自落花

山中夏日似秋涼
小小幽花暗暗香
獨卧客牕清不寐
滿庭風月野蒼蒼

馬頭隨路對峯巒
吟倚征鞍盡日看
澗底泉聲穿石細
松梢嵐氣襲衣寒
懸崖怪石欹將壞
出岫閒雲懶自安
旅食僧房清未足
香齏飯釘薦盤餐

過橫望嶺

終日山行不厭山
出山聊喜慰衰顏
朝來橫望關頭路
滿目

波平好渡江千里蒼生瞻補斧十州使者避旌幢同袍知己
如相問已許閒身老北窓

題郝伯常雁足詩

袁梅

深羈孤館鬢毛斑猛虎搖鬣障海寰玉樹已歌歸逝水羽書
難射隔平山不須抵乳終回漢竹學鳴鷄詐度關一寸螭丸
憑雁寄明年春盡竟生還

題郝內翰所作夢觀瓊花賦後

張瀟

釣魚山前龍上天武昌城外走蜀船老奸欺國馳露布使者
坐囚吞雪種潰兵一夜甲填水血汙木槁花下鬼豈知老仙
方卧鶴背天風扶夢起頽雲挾月光西流玉簫聲斷江聲
愁露華泣盡瓊樹死廣陵春色寒於秋百年遺賦人爭重勁

拜謝酒血滿襟裾王恩一未報何用早歸與王翁積忠勞封
諡焉可無穹碑表墓畢逝將返故墟王翁有遺嗣無罪倏見
誅奮身伏王庭誓死訴冤誣白日迴其光天道劃昭蘇豈獨
全節門高風動皇都滔滔天下者回首成榛蕪安知磊落人
淪此氓隸徒飛傲下九天大字旌其閭郁郁文獻邦盛事映
梅徐母壽涉千齡門有駟馬車吾聞善必報此理不可渝我
作忠孝詩永激頑懦夫

過太行山

周伯琦

太行蒼翠插秋旻疊嶺重關自昔聞戰國東西分晉趙中原
南北帶河汾帝主都邑青青草豪傑勳名點點墳鳥道盤空

類立馬便從高處望飛雲

讀國信大使郝公帛書

王 逢

西北皇華早東南白髮侵
雪霜蘇武節江海魏牟心
獨夜古秦分清秋動越吟
葦葭黃葉暮 宿紫雲深野曠
風鳴鞞河橫月映參擇巢
幽鳥遠催織候蟲臨衣攬
重裁褐貂餘舊賜 命不知年
號改那計使音沉國久虛
皮幣家應咏藁砧厥魚曾
信及鴻雁豈難任素帛辭
新館敦弓入上林 虞人天
與便 幸事感來今

晉寧感興

朱自牧

莫將官况說葭蘆一味蕭條稱鄙夫
老圃不禁蔬代肉蕉丁 還喜坑連厨
兒音半已漸秦晉鄉信無因接魯洙
三見秋風 落庭樹年年歸意負蓴鱸

澤州府志

卷之四十八 詩

四

墨道毫精爽動節旄零落喜生還回首江南已如夢花神換
根春更芳想像月色扁餘香楚招無人青鳥去公不少留涕
泗滂

并州歌送張彥洪使畢還河東

吾鄉故人零落盡見子老成殊慰心祥金百鍊乃利器桐尾
方焦逢賞音河東臬府幕下士飛傳來作朝正使太和嶺上
盜已空旌旂盡是官車紅殺人如麻道路絕朝狐莫梟競巢
穴嚴風剗起霜倒飛塞日黯淡寒無輝子來未幾還言歸使
我東望淚沾衣豈不聞并州少年遊俠子手攜玉龍最輕死
并州將軍劉越石夜半登臨長歎起汾河直來繞郟城雁門

離石寒崢嶸老旻四葉彈丸地大梁全師勞再征一朝征賊

皆有淵源迥然林表氣象
請留題遂作詩以慰其

其意云

馬世德

老僧杖錫何方住家在萬松東嶺
頭山色似身心似水白雲
為屋月為舟

庭前蒼檜一千尺上有老鶴巢其
顛自去自來無挂碍長鳴
戛戛如問禪

繼澤監野畔道壁間詩韵

解鞍高卧翠微間借得紅塵半日閑
老衲不知何處去白雲
瀟地鶴飛還

陪侍尚書元臣公遊靈泉寺

潘煜光

隣鷄唱徹夢初迴起視東山月上
時禪室清幽僧堆足驛程

來遠驛雪夕

使高麗
時作

趙可

江上東風冷不禁
晴雲翻手弄晴陰
春來天氣不全好
夜久雪花如許深
煖老正思燕地玉
辟寒誰有魏臺金
空齋寂寞青綾被
學得東山擁鼻吟

題天壇

吉丙

松杉鬱鬱鎖仙壇
丈室高人盡日間
門外晚晴春色好
數峰青出紫雲間

題天壇

朱德方

援雲道人

清虛小有洞中天
銀座金腰玉頂堅
芝草秀從龍漢劫
丹砂結自赤明年
洗參井記煙蘿子
聚虎平傳白水仙
寄語蓬塵

溝裏客茅齋先蓋雨三椽

明

長平戈頭歌

長平戰骨烟塵飄 歲久遺戈金不銷
 野人耕地初拾遺 遺出珊瑚色邯鄲
 小兒強解事 枉使泥沙埋利器
 四 非少弱勇怯賢愚 一朝棄陰坑
 血冷秋復春 朽壤食盡蒼生
 鏃 淪長愧杜郵 劍廢墜空憶
 春餼人故壘 中宵鬼神入
 愁月暗戈應泣鳴 呼當時豈無
 牧與頗戈乎 不遇可奈何

愚公谷

愚公志移山精衛 思填海山高海
 茫茫心事金石在 松栢
 雪霜秀色終不改 春陽晞幽林
 卓立有光彩

寓感六首之一

高 啟

卷之四十八 詩

盤繞馬行遲獨憐游子疾來往却羨高人定所思幾欲離羣
脫塵鞅月明清坐共尋詩

繼澤監野畊道詩韵

范克昭

古寺蕭蕭山水間瓊田月滿鶴清閑石門深鎖天風冷無看

天去不還

我肝膽清飄裾欲度浮雲輕千峰回影陷落日萬叔欲盡松
風聲回首溪山忽成別幾見江梅飛白雪洞庭湖上聽夜雨
仲宣樓頭望明月笑筭對景傷古情寸心欲吐書難憑何當
相晤一抵掌與君細看真蘭亭

旌忠勳弔後唐裴約

王堅

羸秦破洪荒末運開五季乾綱倒狂瀾龍虎恣吞噬毒流滄
溟深虐燄乾坤熾誰爲柱石臣力挽迴天勢桓桓裴將軍名
節期砥礪伏事李嗣昭驚騰賈英氣夾寨守踰年忠誠奮昭
義嗣昭領元戎甘苦同軍吏一朝鮮重圖汴水驚鼎沸周旋
之紀餘相親若肝肺南轅守澤城鎮靜得專制髻鬢巷有歌
夜月麗不吠翠華空親征賜姓神堯喬誓將雪昭陵問罪興

攬轡登太行遙望洛北州
峭崿正西時黃河復東流
百城遺堵雲烟莽相繆
朝作冠蓋塲暮為狐兔
昔人爭此地二戈迭相讎
當其得意時連陌擁鳴騶
百年奄忽盡魂魄空游
曷見采芝叟冥棲無所求

弔藺相如

危計難成五步間
置君虎口卒全還
世人莫笑三閭懦
不勸懷王會武關

寄太素居士

澤州茹太素嘗洪武尚書後成雲南

王冕

洪武諸

我昔扁舟上邪溪
尋君只過丹田西
長松月冷啼子規
春風滿地芳草齊
樓殿玲瓏金碧湧
鐘聲不出松雲重
老猿拗石山影亂
翠禽啼露晨花動
此時相見不作難
握手笑上松花

一水隨山根宛轉流出迴灘聲繞縣門孤城數家靜風土殊
青怪十人五生瘰土屋響牛鐸壁滿殘日影行遲欲問宿連
戶肯莫肯亭長獨見留半榻亦多幸呼童此晚炊糲飯穀帶
穎野藪不可得敢望肉與餅途行乃至此儉素當自省

渡沁

陸行渴懷抱今渡沁河水奔騰走百灘聲遠聞數里我來坐
其涯肩擔欣蹙弛不意山塢間偶得見清泚連朝塵沙目豁
爾淨如洗雖云倦行力對此亦足喜南風吹青蒲白鷗忽飛
起

天井關

峰迴抱深壑下視天鑿井昔人建重關扼險備邊警鍵鑰久

漢職大勲以垂成
元戎忽先逝繼韜固佳兒胡爲反徼利極
中肉未寒略不君
親視巍巍基霸功上黨固屏蔽一朝與仇
讐割髮河東臂銜
枚汗軍來此邦可無脩酬恩寧死忠臨危
敢攜二裏瘡夜巡
陴顧與城俱斃期將先軫元碎作睢陽屬
情鍾唐帝懷死獲
將軍志當時一武臣英烈乃如是嗟嗟馮
太師曾不知垂涕
朝爲仇敵人暮作君臣契累朝位三公豈
古羞犬彘請觀公
之爲九萬見飛鷲堂
堂歐陽公直筆著清
議官崇刺史封廟
錫旌忠諡芳名重
山邱富貴成夢寐
我來
守此邦雨暘賴神
惠朝廷饜特牲春
秋謹時祭衣冠儼
容儀
黍稷加精糴廣庭
聞苾芬旋飈蕭鳴
騎觚稜暈朱甍豐
碑勒
雄記始知先聖王
垂教重名器向如
始皇君今日皆魍
魃再

盤子城

當為碗子城

前登盤子城山隘勢欲逼路迴上峭絕傍夾千仞壁石狀如
矩斲巨細總方直無泉土脈死草木盡改色高巖有堡障重
門閉重棘陰慘行人險惡意叵易測信知狐鼠輩得在此中
匿我生好壯觀努力更攀陟立久日將晡浮雲渺鄉國

斲老雄

宋 濂

擬宋鏡歌昭義節度使李筠據澤潞弗服上御六師平之
為斲老雄

斲老雄雄勢蹙連冠師樹高燾襲邊城施蠱毒王赫斯怒勢
如戮百萬貔貅若林轟行視嶢嶢勝平陸升城齊呼山岳覆
飛矢貫臂拔其鏃雄斯窮界炎熇朱鳥鳴反舌縮反舌縮四

已絕垣石尚森整峨峨尼父祠門掩衆山靜曾聞此回轍無
復過斯境詢知鄉老言此事古未省餘氓數家在破崖暮煙
冷我行力稍疲景物不暇領且爲投宿來驚風夜愁永

羊腸坂

盤盤羊腸坂路如羊腸曲盤曲不足論峻陡苦躑躅上無樹
可援下有石亂蹙一步一嗟吁何以措手足途人互相顧屢
見車折軸少時徒耳聞今日親在目不經太行險那識安居
福

女媧墓

空山兩高塚媧皇此中葬焦土積層巘勢助殿閣壯大哉補

天手力出千古上至今煉餘石火氣夜猶放轟雷常蔽護烈

月黑山深夜飛雨恨血千年猶未消荒郊夜夜啼冤鬼當年
趙括怒秦人降卒秦坑化爲土嗟哉趙亾秦亦亾落日荒城
自今古摩挲爾戈一問之令人爲爾生愁思何不以爾爲鐘
鐻何不以爾爲鼎彝吁嗟戈乎徒爾悲爾今還當太平世人
間銷兵鑄農器願壽吾皇千萬年終古不用戈與鉞

長平

謝肅

引軛方上牛參旗正南舉行行埃路明忽在長平聚踟躕念
衰韓不得守茲土嫁禍於趙國穰師與秦拒趙卒一以坑秦
兵肆攻取惜哉廉將軍制敵中且沮遂令銳頭兒殘暴踰猛
虎善戰服上刑賜劍非弱主咨爾頭顱山委命復何語

王屋山天壇

林鴻

海服

題宋院人畫盤車圖

國雅西江集

劉績

洪武

大車盤盤牽不住小車碌碌推還去上阪下阪日千迴不離
太行山側路吳鹽蜀米塞滿箱烏犍耳溼筋力強商人重貨
不畏虎飯牛夜夜宿車傍妻孥不須念行旅橐中有金皆樂
土星餐露櫛逐隊行但願利多無所苦道傍往來多折軸誰
人肯戒前車覆

精衛操

國雅耐軒集

王

達

永樂學士

海之水兮靡可量余之怨兮既綿且長志殊苦兮力日偏西
山木石有時盡海不枯兮愁不忘

長平戈頭歌

陶甄

咏煤炭

于謙

景泰少賦

鑿開混沌得烏金，藏蓄陽和意獨深。
燭火燃回春浩浩，洪爐照破夜沉沉。
鼎彝元賴生成力，鐵石猶存死後心。
但願蒼生俱飽暖，不辭辛苦出山林。

上太行

西風落日草斑斑，雲薄秋容鳥獨還。
兩鬢霜華千里客，馬蹄又上太行山。

登星輶驛樓

驛樓高架與雲齊，曉日登臨思不迷。
捲幕全無三伏暑，凭闌轉覺衆山低。
閒花故向吟邊落，野鳥偏於靜處啼。
十六年來成一夢，後人誰爲繼新題。

名嶽推王屋孤標跨杳冥深窺砥柱黑高竝太行青分野連
三晉風雲萃百靈鶴歸松已偃龍去水猶腥竈隱燒丹火龕
餘煉髓經羽人金磬動應此禮寒星

送王濟民歸盤谷

浦源晉府引禮

官亭酒香柳花白下馬持觴送行客客歸江上愁更多春水
雨中生綠波青山遙對揚子渡殘日微明廣陵樹渡江酒醒
傷別離夜半舟人歌竹枝鳥啼月落海天遠驛程已過淮陰
縣楚江菰飯食有魚背征在鞍宿在車中原漸近太行麓不
知何處通盤谷一徑縈紆萬壑深始知舊宅隱雲林昔年泉
谷渾無恙猿鶴猶存松桂長遺老家家懷故情相邀鷄黍話

道經沁水田農

無雨農田渴甚
辛苦老農出門荷犁鋤
村婦看家事
縱補可憐
赤脚蓬頭
提籃朝出暮時歸
青菜挑來
山柴帶根煮
夜歸夫婦聊充
多差爾縣

宿東

蕭然山
煙霧風捲松濤清
入夢
聽月色冷侵
民物阜不知何處是他鄉

宿長平弔賈魯

薛瑄

到澤州

國雅蕭敏集公巡撫山西河南往來太行

信馬天將暮離山路轉平川
縈太行驛樹繞澤州城落日

旗影長風送角聲孤雲在天際
回首若為情

夏日過太行

信馬行行過太行一川野色共蒼茫
雲蒸雨氣千峯暗樹帶溪聲
五月涼世事無端成蝶夢
畏途隨處轉羊腸解鞍盤礴
星軺驛却上高樓望故鄉

暑月將自太行巡汴

三晉衝寒到中州
冒暑回山川元不改節
候自相催
熱樹連天
暗丹葵向日開
太行雲縹渺搔首意徘徊

心水行臺初春睡起

何能繼惟聽溪源流水聲

龍岩讀書處挹水大瓢

徑近寒溪石瀨幽半瓢新月漾波流
取來酌飲思顏子擲去
漂浮億許由春甕似移星泛泛金杓尋動影悠悠沙場空說
燕蘆水山簾今搖瓠子舟

槿山禪院三松

槿山古剎真奇地殿下誰栽三大夫
寒冑雪霜持勁節靜舍
雨露脫凡污棟梁偉器蒼髯嫩龍虎貞姿黛色敷
一坐九重風大撼近聽琴韻奏天衢

東門嘯

李東陽

王衍善清談居宰輔矜高浮誕不以經國爲念而思自全之

長平驛是相公家不見當時富貴花只有蒼蒼喬木在至今
猶宿夕陽鴉

王屋道中

路轉山回處處迷不登絕頂卽尋溪寒泉徹底清人日亂石
盤空割馬蹄繞逕黃花猶戲蝶隔村紅樹乍聞鷄無端客思
匆匆甚好其如每倦題

謁李公

原 傑

功施唐世... 一弔之碑寫嶽書銘在昔簡遺
將畧式令... 早精迓蒼冥月落遲廟古山迴
人跡少虬... 龍岩山

宋神宗熙寧中河南程顥以晉城令被薦爲御史時參知政
事王安石方用事帝問顥王安石是聖人否顥對曰詩稱周
公之德公孫碩膚赤舄几几聖人蓋如此若王安石陽禩自用
殆非聖人顥居職八月與安石論時政不合遂乞去安石敬
其忠信不深怒哲宗立召爲宗正丞未行而卒留守文彥博
衆論題其墓曰明道先生

王安石選聖人熙寧天子空稱神程夫子真聖徒一言非訐
亦非諛世更有人如此無古來君相關氣運河南不問金陵
問一時言千載恨

六柳莊

楊一清

小構茅廬背石樓繞門楊柳蘸溪頭尋詩正合添明月洗耳

計以弟澄爲荊州刺史族弟敦爲青州刺史曰卿二人居外而吾留中足爲三窟矣及武鄉羯人石勒等寇京師衍都督征討諸軍事賊退遷太尉爲東海二越軍司越薨舉軍爲石勒所破勒少嘗行販洛陽倚嘯上東門衍見而異之顧左右曰向者觀賈販聲有奇志恐將來爲天下患馳遣收之勒已去至是勒問衍以晉故衍爲陳禍敗之由自言少無宦情勒怒曰君名蓋四海身居重位破壞天下正是君罪使人夜排墻殺之澄後爲敦所害永昌元年敦舉兵反至石頭城而還明帝卽位敦尤反死軍中眾散其黨伏誅

上東門東羯長嘯寧馨王郎識奇兆軍車快問追不還寧知夜爲排墻間當時預恐亂天下天下蒼生竟誰誤一家三窟

嶽西石嶺高龍從羊腸詰曲蹊徑通將軍提兵討河北王軍
正在嵯嶇中中原赤符歸白水豺虎遁藏銅馬死道傍過者
仰遺踪猶說神靈漢天子
登鹿臺山
誰謂雲霄遠躋攀有路通山川皆禹跡勤儉屬唐風佛屋洪
崖半人家邃谷中重華耕稼處翹首見遺宮

宿海會龍泉寺贈悟源上人

幾年不到巖阿寺此日重來憶昔遊瑤圃鶯花三月暮畫樓
烟雨四時秋雲過鴈塔迎風散水出龍湫繞院流更愛老僧
能款客夜窻燈火話綢繆

登龍泉寺毘盧閣上東道白孔彰先生

何妨枕碧流萬竹翠封王子宅一山青傍謝家洲龍門饒有
登仙客我欲相從伴勝遊

太行路

申甫

太行路何崎嶇相逢盡道能摧車冷雲直上三萬丈一線之
字百折通天衢飛猿健鶴不得上古雪空嵌巖但見巖峯疊
巖宛如快劍削出青芙渠霞吐雲蒸如畫圖天壇王屋遙相
望洞府往來飛仙居元氣老不死挺然南坡君子儒居仁由
義力有餘閉戶琅琅勤讀書二老策杖遙相訪瓊瑤幾個鐫
瓊琚欵容拱手起坐隅山鬼獨脚呼擲榆秋風拂焦尾夜月
彈昆吾物欲淨如掃玉鑑與冰壺豈是蓬蒿人真誠大丈夫
奈何時不偶笑彼三匝烏熙熙暮景垂桑榆夜來天鼓敲玉

遊盤亭千峯寺

雲裏千峯寺憑君特地過細流深曲澗老樹挂長蘿世遠殘碑少林空宿鳥多夜來盤石上對月共吟哦

陪喬白巖遊聖天寺

羣愛禪扉好時攀丈者行亂山皆識面啼鳥少知名徧讀前朝記重論舊日盟烟村渾未遠頓覺有餘清

遊玉清宮

夜來山館不勝情獨倚藤牀睡未成簾幙半鈎看月上爐烟欲盡見參橫松搖青嶂風千樹犬卧白雲漏二更徧愛羽流心事靜小牕燈火誦黃庭

虎谷

王雲鳳

邃閣玲瓏四望寬憑君今喜得遊觀黃金漫布三千界白玉
新裝十二闌子落菩提雲影亂香飄薝蔔月光寒他年乘興
重來此還借高風振羽翰

嘉靖甲申孟夏予歸自晉城道海會于時陽城尹王在
士廉率僚佐暨諸文學來候即寺之方丈具盛饌延
款禮儀慤懃踰再宿始克告别感而有作用寄鄰樓

海會即龍泉寺在陽
城縣東北三十餘里

圓道禪關可樂饑渴來欣慰昔年思泉聲入夜聽偏好山色
經春看更奇松鼓龍髯風萬壑竹搖鳳尾雨千枝東西南北
青雲士載酒頻勞勸玉卮

空王殿閣亂雲中藻棟文榭壯復重度地何年僧卓錫喃喃

端氏

端氏城西縣路賒
行人無地問三家
尊前休唱銅鞮曲
風颭椒條落紅花

秋日過大雲寺

陳有守

出郭躡雲岑
祇園淡午陰
林疎風葉下
壇窈雨花深
石室僧初定金堂
梵欲沉寥寥
方外趣殊了
去來心

太行歌

祝允明

上客坐高堂
聽僕歌太行
六歲從先公
騎馬出晉陽
遙循厚土足
忽上天中央
但聞風雷聲
不見日月光
狐兔繞馬蹄
虎豹嗥樹傍
衡跨數十州
四面殊封疆
童心多驚慄
壯氣已飛揚
自來江南郡
佳麗稱吾鄉
邈哉雄豪觀
寤寐不可忘
人生

深山草木稠結 廬向虛敞盡日無人至禽魚互來往讀書心
力倦手曳青藤杖出門何所之獨坐盤石上山頭白雲生吾
心自蕭爽田父橫犢來喜道桑麻長

懸空寺

上有千仞崖下有千仞崖山僧聞客至山下採山茶

太行山行

石 瑤

太行之山何崔巍巖幽谷隱藏風雷漢軍已料騎士屈魏武
重歎車輪摧其間如陁下如井雲作炊烟瀑垂縷羊牛只道
來層霄雞犬方知接人境山僧何年住山頂亦有山田二三
頃非關避世應避名我欲從之玩流景

岳將軍砦

楊子器

禽效體樽俎光禿鷺駕鶴當筵翔

媧皇墓詩送喬太常

正德元年武宗即位遺禮百神

伊聞女希氏奮迹鴻荒日神功義農竝吹簧豁陰鬱熬極本
寓言蛇身竟恍惚遺墓趙城側古廟松杉密霍嶺峙巘岈汾
川眇蕩滂穆穆秉德臣肅肅奉瞻謁祈靈沂遐躅明禋備精
物天雖積清氣運久恐漏闕徒煉五色石寥廓詎能越送子
顧周道俾我心於邑

端氏城

繫馬荒城下空翠圍峯巒一聞端氏名懷古生長歎憶昔晉
茅土珍重天王頌大綱漸頽廢宗社尋凋殘誰能有其國三
豢趙魏韓嘗聞享世祿况復叨其官忍使冠裳鬼蒸嘗血不

非太行耳目空茫茫

歸塗攬詠

李夢陽

太行王屋是天關吐出風雲天地間
河內休誇盤谷勝共城亦有石門山

河濟誰言不共流青春惡浪古懷州
蕩搖少室三花樹倒映天壇白石樓

裊裊丹崖倒碧松懸泉一道挂飛龍
閒磨石鏡驚山鳥映出青天對雪峯

苦寒行

太行之山何崔嵬天寒谿谷禽獸肥
黃熊赤羆力相食翠衿

蕭颯走新飛啄石飲泉百意足野田
惟子寒無衣張羅掛罟

孤城突如塊據山瞰流... 証能經營之無乃素白起東北連
長平遙遙數十里想是擊趙時卜此御旌壘鳴鼓收降旗一
坑萬人死耀武恣暴君貪功泣冤鬼白骨蔽邱原霜風慘陰
晦進爵食武安聲名播青史迄今千百年此城名尙爾先王
重民命師行非得已何以納來降屠戮比螻蟻坐驅文武民
盡入虎狼齒春秋誅亂臣功罪不相擬善戰服上刑聞諸孟
夫子

王離城

王與東不返國步何其類群雄角謀智大柄歸強秦韓盧恣
吞噬近攻無完唇逢惡者誰子范雎真不仁魏虎下河北三
晉飛烟塵據險築城壘當此山嶙峋四壁真如削百雉旁無

餐相與封其子乃有尺土安乾坤互消長日月跳彈丸秦兵
恣吞噬列國同凄酸周鼎亦淪沒其餘何以觀屹屹端氏城
秋菊還春蘭上有雲霧濛下有茗葛盤行人無限恨深夜月
明寒

馬邑城

白起小豎子謀猷憚諸國駐軍太行西裂地大河北牧馬茲
山陽築城鑿溝減抱河背太山峻絕失人色并吞勢已雄獨
抗事相逼廉頗真將軍收精抵堅壁秦人心已寒孰謂趙非
敵間言聳孝成斗印書生得膠柱鼓其絃相如真有識矢石
既交接甲械尋棄擲可憐無罪民遵此長平厄暴秦不足言

衰趙亦可惜抵鄰一頓身繫此興衰迹天王簡賢俊羸氏平

苦迫促三日滯虞鄉雖有泛舟趣却無曾點狂回想王官谷
新詩備素壻不識蕩溪娃徒羨詩思長何當與握手於時其
徜徉同遊誦其名知是南莊子故家有若人私爲南莊喜邀
遊翰墨塲倏而踰四紀不謂英妙姿尙在秦晉里便擬此登
樓醉汝賢喬梓三嘆發朝邑彌月興猶起感君寄書至展轉
愛君才欲見不可得空望白雲隈吾有雙黃鵠飛飛自天來
因逢王子晉借之遊蓬萊一去竟千載寥寥不可回回時坐
鶴背孳子臨高臺先過崑崙頂後瞰弱水滄徐訪紫華君持
其雙玉芝吾意竟不歇君心尙弗改寄君白石吟殷勤爲予
待

轅下駒

何景明

隣養銳絕窺覲出奇邁等倫王離實主之爲國思委身然指
亡趙魏回首無秦人但留城土在塊然秋復春苦蹊唱樵牧
暮雨荒荆榛哀哉戰爭年塗炭皆吾民見此重悽愴過客停
雙輪

襍詩

其工觸山圻夸父去無還媧氏懷憂傷鍊石思造天妖姬鼓
哀瑟嬉戲玉臺間草昧怨無侯哲者中自煎小鳥填巨海蘆
灰過洪川力誠有不及心情良可憐

寄題白石樓

康海

我聞白石樓乃在太行下丹機凌紫霄朱甍接巖罅盤鬱
汾曲崔嵬紫金屨夕烟蕩洞瀾朝暉輝簷牙兩溪互紫帶下

豪傑皆奮力刊山築岩聲裂空和議悞國隙成功千秋英雄
或遊此森森草樹生悲風

杏谷

東風滿山開杏花杏林十里如蒸霞武陵桃源解迷客何如
種杏作生涯人家半住山霞裏滿院落花寒食雨春香撲雪
春酒醅長遣行人問山主

送郭刑部守寧波

高平郭瑾自刑部郎中守寧波

漢庭黃綬吏西省白雲司豈謂爲郎久猶言出守遲雲霄懸
賜履江海入褰帷古趙今名郡風流管在茲

次濟源望王屋

老去看山猶是癖人言王屋小天台孤城地接西壇勝二濟

澤州府志 卷之四十八
轅下駒鳴聲一何悲豈無萬里志跼蹐安能施詰曲羊腸坂
纍纍太行谷車輪不行白日歿仰思玉山意超忽君不見八
駿日行萬里馳煙掠景誰能拘吁嗟乎轅下駒

烏嶺堆雪

嶺樹鬱鬱雲深深青山無雨雲自陰山雲日夕千變化青山
有色雲無心山翁久伴白雲住家在白雲最深處嶺頭日暮
鋤雲歸破笠輕蓑衝雨去

王離廢城

三軍無人玉帳空大將盡走漳河東誰謂將軍耳楚縛秦王
白馬來關中當年殘壘迷秋草哀笳一聲戍烟曉古今餘恨
此銷沉落日平蕪下山鳥

激揚宏憲度旌別布威權制作人文渙經行草木鮮闡幽輝
往哲訪古徧遺阡汲黯還辭漢張騫又使邊臺端堪秉節湖
上且移旃城接三江樹波通七澤蓮蠻夷恩已洽州郡役多
蠲糾察元無隱琴罍肯自便駐車仁雨渥登座法星懸遠臬
馳譽久當途薦疏聯碧梧看鳳時喬木待鸞遷分陝推公輿
封侯得傅元開藩臨宋苑張幕傍河壩位重心愈下名高守
益堅薇花當省署棠蔭清郊鄙聲價隆方鎮光芒動斗躔明
堂求畫棟清廟想朱絃寇準眞時望王公勸早宣麒麟功不
朽金石頌應鐫愚本蓬蒿質那堪侍几筵垂髫蒙引拔撫志
荷陶甄附驥懷深願登龍感夙緣未除原憲病空負樂生愆
舊業心常在脩途步轉邁鸞鳴猶待律魚得敢忘莖草野瞻

泉分太乙來載酒煙塵清駐馬隔林風雨妬登臺明朝擬破
游仙夢萬仞峰頭一舉杯

上李石樓方伯

三晉多人傑吾師出固然素汾經太岳紫氣入幽燕世業居
端里名邦倚舜田由來天運復誰謂地靈偏郭相慚先達王
通侯後賢明經超第一射策對三千感會逢昌紀登庸起少
年劔鋒寒照雪辭藻麗生烟博物張華讓多才子建憐八义
迎客賦隻字使人傳豈獨文章貴還應器識全雄談飛玉露
浩氣豁金天亮節唐元振英風魯仲連青雲仍自致黃鶴任
孤鶩簪筆星辰上持書日月前觸邪稱獬豸特立憚鷹鷂東

觀臨晨入西臺薄暮旋朝回焚疏草吏散閱陳編百采班行

沁水縣題壁

熙文學

燒殘無望劫灰然過午人家不突烟盜賊豈知關氣數
誰復戀居鄜荒城極目餘三戶往事傷心已六年
聞道僊科猶火急樹頭黃葉五銖錢

書大雲寺壁

常倫

宿此非一夕遊此非一朝山僧頗解狂夫趣時儲斗酒來相
招醉歌久與人世絕回首未覺諸天遙殿前長松十圍大我
欲絕粒棲雲巢

玉清宮戲題

玉函金簡數行書鶴背飄飄上碧虛羣仙瑤殿收封事應笑
人間久謫君

飛蓋雲遠望著鞭臨風歌此曲慷慨不成篇

孫一元

憶王屋山人

幾時不見鹿皮翁回首碧雲天
自東記得去秋新月夜豆花

柳下說年豐

黃 著

沁水道中

滿目雲中秀色深殘虹催雨曉籠陰倚天峭壁開新畫觸石
驚濤響素琴風入長林消溽暑詩成險語壯登臨泥途百疊
兼程進疲馬羸軀總不禁

秋日與李司李徐次令登沁水北山千佛閣

王所用

... 盤磴道鬱嶙峋誰從浩劫空三界我自

齊出江漢乃安流國器良有待局促非吾備

述情上大司徒李公

微軀何薄弱冠侍清朝爲郎非所好移病歸東臯自慙終
焉計七見發天桃風塵屢頽洞琴酒餘造遙欣遇日月新不
辭郡國勞職司期死報富貴非所逃時命乃大繆鸞鳳自
招縱鱗趨下流鍛翮投蓬蒿幸親謝太傅東山時見招過垂
國士顧期我以雲霄在昔嗜元典先民仰清高長公一仕漢
巢父獨辭堯心事倘遂白丹壑嬉以遨

與馬使君自玉清宮登榼山不盡興而還

雲卧留仙境溪遊入梵宮賞心千載遇携手數宵同扶杖百
尋上當杯四望通遠林低礙日近竹細吟風駐蓋景初靜揮

沁水道中

處處人家蠶事忙
盈盈秦女把新桑
黃金未遂秋卿意
駿馬驕嘶官道傍

宿太行寄憶馬仲房

盤紆太行道行衝
北風伏馬疲日暮
息徒莽蒼中之子
修異域晤言疇與
同展側不能寐撫
劍臨前楹明月望
晉漢四衢羅列星
咄彼參與商使我
心冲冲

望山有懷故居

羈步局重城流觀
狹四野高高見西
山鄉愁莫傾寫天
際望不極延佇一
瀟洒落葉歸故根
山雲滿樹橫
以慰離者

躍巖程豈迂遠郵館祇淹泊復往瑤華篇報桃耻涼薄吁嗟
山水音非子諒誰託寄言儲醇醕俟我乎偕樂

陽城南望

析城玉屋萬峯巒直接仙人白石壇古洞風雲搖錦障名巖
日月抱金丹帶分河濟懸相映襟合嵩卽鬱目盤不得探奇
揮短賦徒懷卜屨挂高冠

過偃月山寺

王 溱

古寺通斜徑林深偃月山人衝香草過鶴度白雲還舊井穿
崖畔殘碑斷砌間尋幽渾未倦小憇又躋攀

星軺驛雨中別林八南還

高叔嗣

驛外陰雲合牕中宿雨含深巖龍自關險路馬能諳短髮星

絃調未終興長嗟暑短岐路忽西東

遊榭山寺得然字

素迴谿屢度高下木森然碧殿雲標望丹梯樹杪懸窮尋逾
廣境行樂慰芳年榻轉流蘇合疏排翡翠連梵花飄綺席仙
吹韻朱絃振袂凌千仞啣盃眺八埏滄溟好去便笙鶴醉浮
天

宿長平驛

青史哀降卒山川見故邱重來今日意不盡異時憂野驛春
花發長途宿雨收遙聞田父語猶得舊戈矛

馬汝驥

酬明卿見遲之作

蓬時寡明侶在世有羈縻雖抱投沙之懷中欽臨海作美人

同孟中丞游龍泉寺

寶地風塵絕琳宮日月偏雁來還繞塔龍去尙留泉戶裏天
花落空中梵樂傳違師休禁酒客醉欲逃禪

客有游黃花山者

吳國倫

魏城西擁太行山千堞紛紛紫翠間雲氣自浮三晉合瀑流
分瀉兩漳還苔碑久蝕殷亡壘麥隴全荒鄴故關指點黃花
仙隱處幾時乘興一躋攀

王屋歌

何處洞天三十六小有仙人住王屋王屋底柱遙相望真氣
高蟠太行腹上凌二曜開天壇下湧雙泉疏地軸滴乳續紛
薤葉垂飛巒合沓蓮花巖壁老軒皇未採芝巖餘夏后曾刊

星甚長愁日日堪休將南望淚歸傍二親談

星軺驛

萬山詰曲此孤亭遠客西行暫所經生事不堪頭早白世情
無賴眼常青深林落日憑軒望亂葉吟風隔坐聽寄謝尉羅
當日者高飛今已入冥冥

龍泉寺懷顧南田使君顧以事不至復惠酒助看山之

興

唐順之

琳宮窈窕碧雲隈歷盡巉岩更上臺不見踏花驄馬至虛看
送酒白衣來山中泉石誰相賞天末烟雲望屢回聞道使君
能愛客習池還擬接先盃

清泥坂有客空歌白石篇
西來山色照邢襄北走并州擁大荒
巨麓秋陰沙渺渺石門
寒氣雨蒼蒼天邊睥睨懸勾注
樹杪飛流挂濁漳搖落故人
堪極目朔風千里白雲長
千峰郡閣望嵯峩此日褰帷按塞過
落木悲風鴻鴈遠白雲
秋色太行多山連大陸蟠三晉
水對中原散九河回首薊門
多殺氣羽林諸將任橫戈

初登太行廻望有思

千山立馬送斜暉平楚蒼然色漸微
最是東南欲盡處黏天
一點白雲飛

入太行遇風雨回望中原卽景有述

木虛空匠出金銀臺輻輳規成子午谷五色靈光夜夜朝道
人爭訝龍啣燭攀躋直造虛皇宮千山萬山都拱伏佛皇
然西國香調琴自奏神絃曲虛皇授我太乙丹使我顏童髮
再綠須臾笙笛響空中起馭赤螭驂白鹿俯觀四海一蹄然
安見九州非粒粟卷石崑崙點大荒黃河東走不盈掬向來
虛誦五千言誰道無言是真籙河上老子浮邱生八極歸來
玉星宿

登黃龍馬陵諸山四首

李攀龍

太行山色倚嶺岷絕頂清秋萬里看地折黃河趨碣石天廻
紫塞抱長安悲風大壑飛流曲白日千崖落木寒向夕振衣

來身雨關門蕭瑟罷憑欄

王屋道中

騰克河中號令齊
神兵入自太行西
昏昏烟鎖天壇暗
漠漠雲埋王屋低
風軟却教冰泛水
寒輕還使雪成泥
行吟想像草懷景
多少梅花折玉溪

遊天壇

迤邐石壇西
扶筇任幽討
秋高天宇清
月照金光草
偶逢雙玉童
相引躡雲去
犬吠洞門開
三花最深處

咏米山

李雪山

積雪如山夜唱籌
廉頗為趙破秦謀
將軍老去三軍散
一夜青山盡白頭

丁卯九日登米山直賦其事

四素山房集

劉鴻訓

大學士

百盤天益孟門雄趙魏山川指掌中一柱雨縹穿落日千巖
雲脚斷迴風黃龍倒挾河流上白馬俄驚練影空自是壯游

尊馭在不將愁向阮車窮

過長平作

世間怪事那有此四十萬人同日死白骨高於太行雪血腥
并作丹流紫銳頭豎子何足云汝曹自死平原君烏鴉飽宿
鬼車痛至今此地多愁雲耕農往往麥遺跡戰鏃千年土花
碧卽今方朔澆豈散總有巫咸招不得君不見新安一夜秦
人愁二十萬鬼聲啾啾郭開賣趙趙高出秦壘也送東諸侯

謝 榛

早發坡泉薄莫至太行山下

地分三晉此山川形勝迢遙在馬前亂石斜通青草路太行

九日眺米山得見字

耳後流光滅如電眼前米阜頻相見每逢重九來此遊主人
不惜羅芳宴阿誰主人曰松臯臯下松濤如海澗海澗當年
醉茱萸感里風光目爲眩何如長白九十峯竟似燕山分半
面崑隈撥換此鐘孤獨枕佳園乃竒羨培塿有靈今始知搖
曳白虹牽素練昔時兵衛尙登臨去歲衝泥勞眷眷惟有此
會神情徹骨清冷風斗攢棕櫚薦米山草堂今成矣黃金莫
惜爲佳院主人道力淡且真此地風流應久擅千種豪華頃
掃除但留芥蒂非方便請看頭上未滿輪纖塵飛不到冰片

于澤州子冲感懷詩

屠隆

于子洵卓犖束髮著英聲自言御李君嘯咤王齊盟青天捫

天光清且和人事復空平
 弟兒關中來淡焉無競名
 白石增一歲射覆如後生
 羽客真仙子宛也水澄泓
 宗人翁與子恬恬忘世營
 余亦兀病人暫釋髻下楸
 眉宇若為開小隱忘其
 程陟巔中舖前羅列指高
 薨不圖厨中兒搏黍和虛
 錫亦曰登高餐不奉主人
 呈佳言物外發幽趣優雲
 征往者豈不樂今日居其
 彭

九日登米山

米阜自無恙米船書不足
 今秋泉脈生十里環新瀆
 高矚興欲舒雲開懷不束
 嶺頭陳五義觴政俱離俗
 鳴鏑備長戈稍為時所局
 海風東北來芴裕肌生粟
 四覽未周迴三厄方接續
 自分酒力薄西山時寒玉
 好况兼素交不盡宜衷曲
 候吏

求忠於孝古難全此是梁公率所天雲靄翠微親在望日昇
湖海國重延立身行道忠之本退補進思孝是原莫笑書生
錄宋語唐虞世界亦猶然

半癡

小鳥形半于雉而脆美上谷人與黃鼠共稱然癡而易襲遂以名

厄與癡相半禽將鼠共縣味雖供客好名却使人憐所下惟
雙筋何妨少一拳如聞三嗅叟笑殺雉羹筵

冬日遊暖泉

王國光

萬壑烟霞別有鄉朔風羸馬轉羊腸山深似覺樵人語泉煖
猶聞野苻香瑞合青牛高士谷雲連紫府大羅堂夜來簫管
和猿聽誰識蓬瀛興趣長

遊靈泉寺

日觀海氣朗晶熒一麾遵澤潞五馬榮專城既悟元同理遂
抒拯物情竹素如可托千秋遺嘉名

送劉弼父令高平

二首

玉鞭曩曩紫絲韁馬上秋雲擁太行三晉河山雄自昔聖朝
况復起循良

驪駒一曲指西河紫氣關門仙令過君去山川堪遠眺古來
汾水白雲多

萬表

青蓮寺

借榻青蓮舍叢雲碧樹林
沍寒人正寂明月夜初沉
幽獨身忘旅虛聞自適心
猶嫌不諱姓漸有客相尋

病因辭宦山中每獨行
浮雲看世遠短褐覺身輕
出處

肯留兩鬢青霜素草坐亦容身何苦儒冠誤平生山水癡登
覽奈遲暮縱步倒接離衰颯寧復顧適意撫松筠忘機狎鷗
鷺舉目皆坦途不用泣岐路昏昏醉夢人一朝幸覺寤顛飲
放歌聲天地開襟度長揖祈遠公苦海同杯渡揮手謝塵寰
西天常希慕

龍泉寺前有金谷吾邑名招提也

厭聞車馬喧來此心獨喜樹幽鳥不驚日上僧初起金谷興
可尋龍泉清無比撫心憶當時擾擾寧知已
周遊歲欲暮一旦卸塵鞅長辭鴛鷺羣甘與鹿豕傍苦海永
無波落航今已上高僧話色空頓覺襟懷放

再遊龍泉

西來爲訪密公廬錫杖遙飛定此居虎卧萬松幽徑入鶴盤
雙樹法堂虛袈裟旣下明宗詔石篆還留表聖書徒倚禪牀

人不去雨花臺畔夕陽餘

仙洞

仙居遙在水雲西一入青冥萬壑低拔地石精盤虎豹撐天
華表挂虹霓橫開錦翠光疑溜亂踏琅玕步欲迷隱隱蟲書
環四壁前朝猶自顯標題

靈泉寺閣中

酷暑潛消七月風茶樓高卧午窓紅開軒滿放青山出亂舞

松陰枕簟中

青簾善於此垂老歸田復此遊覽感而賦此兼贈心

佩魚登八區絕頂忽驚超幻世凌空疑是駕雲車與君隨喜
諸天境捫手層霄意自舒

九日登崦山龍祠

白所學

山椒佳氣鬱青葱落葉蕭蕭萬壑風翠巘碧流鳴佩玉瑤空
紫霧走游龍天開圖畫雲烟外人在瀟湘雨露中日暮白衣
猶送酒波光相映月朦朧

登靈泉寺萬松頂

賈之鳳

捫蘿高步峯巒頂雨過長松黛色翻細拂蒼文分塏記靜聽
清嚮漱雲根天空晴斂袞裳影石古苔深舍利存垂首願將
塵慮冥層林幽賞澹無言

碧落寺松

張養蒙

深院幽香花正開
騷人岸幘坐空臺
山僧出定頭如雪
趺坐蒲團問去來

遊碧落寺

張昇

流水滔滔自北來
穿巖激石幾時回
山僧枕上驚殘夢
疑是長空送雨雷

再遊龍泉寺

李豸

林麓開禪境
青山俯碧軒
迎風松影亂
激石水聲喧
野鳥爭棲水
山僧獨掩門
從容尋舊衲
能得幾人存

九仙臺

宋之范

太行多勝境
無乃此為尤
獨立衆山內
惟餘一徑幽
雲房盈絕頂
積溜落中流
傳道九仙女
然燈到上頭

重上舊遊顛斜穿石竇驚棲鶴徧叩松扉認老禪一枕蒲團
清夢覺滿窓明月夜孤懸

春遊乾明寺

春深騎馬過招提碧草含烟翠欲迷石徑風來花亂落柴門
客至鳥爭啼雲閒好共山僧伴松老偏宜野鶴棲坐對禪牀
啜清茗一聲鐘磬度窓西

飲五龍谿

一脈寒泉石罅生松蘿夾岸醺雲清源深疑傍蛟龍窟谿靜
堪尋鷗鷺盟野寺僧閒頻洗鉢滄浪塵遠欲投纓與君不惜
臨流醉爲愛芳湍足解醒

登玉屋山

誰種萬株松森森寺外峯眠雲青靄亂度月翠陰濃曲蓋凌
石起盤根帶石封風迴清響合雨過碧烟重幹古先朝植花
香靜土供冰霜原有操桃李豈爲容坐息菩提樹三生此地
逢

碧落寺候王節推

碧落何年寺珠林白日陰兩峰盤閣近一徑入雲深潭影空

禪性松聲遞梵音嘉賓猶未歛風雨坐中侵

中秋遊青蓮寺

勝遊那不戀同羣共向禪關叩白雲石磴繁廻千嶂合珠林
窈窕一溪分鶯巖秀落青蓮色龍藏香合貝葉文夜月禪心

青以水河如終日苦塵氛

朝塗帶泥煮山炭殘 軀結百羈蒼顏逼古鐵疑是煤鑄成乃
有氣紫紫棗樹三五 株春深無萌蘖老鵲巢其上蓬蓬壓將
折石田無款段寸尺 入冊籍昨年欠官錢又到寒食節懼見
城中人變是催租客

宿沁水山店

張昌

屋頭山色晴煙重枕 底溪聲客夢涼却羨王翁無世慮石牀
高卧咏滄浪

過夫妻嶺

夫妻推車上長坂行色 倉皇日將晚巉巖石磴不可躋夫妻
相讓爭相挽力窮氣絕 死道間英魂不散留空山化爲兩鳥
常相偶雙飛雙宿鳴 關關君不見紛紛薄俗不古若夫妻情

層壇屹立控中州
曉闢天門宿雨收
絳闕煙霞浮日月
蒼崖松檜老春秋
峯連秦晉千重碧
水接崑崙萬里流
便欲憑虛叩閭闔
好從仙子跨青虬

登九女臺

烟光繚繞千峯合
樹色微茫二徑開
森森驚濤衝斷岸
融融暎日上高臺
丹厓風靜仙鳧遠
碧棟春深海燕回
欲挽澄波清俗况
閒情恐被野鷗猜

題乾明寺

三載重遊釋子宮
岩扉依舊白雲封
半灣溪水真堪掬
幾樹松花實可供
對酒高歌傾夜月
登樓長嘯倚天風
醉來卧

山會巖方佛煙霞入夢中

空傳在道傍，賴有山河雄。表裏更憑風，俗擅虞唐今。逢四海
同文，日古廟丹青，自夕陽。

檀山夜坐

松風已可哀，蘿月復飛來。如何當此夜，萬里獨登臺。

獨登秦白起城

郭新

弔古誰同我，高呼只有天。山來秦帶晉，水去趙歸燕。鳥叫黃
雲壘，牛耕白骨田。屯軍人已沒，遺恨尚年年。

唐李衛公祠

鹿苑無雙手，將軍眼一舒。天裝秋水劍，鬼泣陣花書。去就爭
幾早，興亡隔寸餘。墮荒何太甚，尚不待兒如。

客高都留別同社憶昔行遇雪

垂自相慮何如此嶺名不磨萬載千秋激勸多

王致中

題漳源 有序

濁漳之說不知傳自何人乘便遊發鳩見泉源清而且冽
假世之好脩而冒不韙者獨此水云乎哉竊為水耻之故

一 特紀以告來者

鯨源四十里靈竅瀉方泉睂睫池中見蒸嘗石上鏘濯纓發

清興迷世隱塵鞋寄語循名者濁漳空浪傳

劉龍

星輅驛和于少保韻

太行不與衆山齊萬壑千巖入望迷未暇日邊論遠近只從
天下定高低旌旗影拂閒雲度鼓吹聲兼好鳥啼少保經行

今幾載細簪碑蘇認留題

人跡都山選地偏何須風作馭吾意已超然

龍泉寺西巖訪普上人

張循吉

絕巘無人跡神僧此避喧六時常人定終歲不加餐對月時
移榻當春晝掩門虎來知聽法階下跡猶存

同孫府君游五龍山

章适

靈山何磅礴神物此蜿蜒上結五方氣異彩相糾纏
奕聳宏構祈走歷千年揭嶻萬株松鬢鬣如騰騫螭根抱危石虬
枝搖寒烟樵採及朽株神譴不少延旱熯憂庭巫膏澤神能
專孫侯宰千里惠政人皆傳三禱輒響應人神理不愆潔齋
答天貺牲幣羅楹前我來愜瞻仰飲昨同流連歎忽鞭雲雷
雨雹上山顛晚霽分衆色翠綠淨娟娟涼飈洒輕葛温暑悉

澹懷其可得疎親古處無言其一真典則大都周以上風流
再見晉之人醉心事極翻如病握手詩多忽不貧舊格敢援
天送雪山行宜踏六花深

傅山

太行霜紅籠

紫盤天井上青幕太行郭風雨詩何壯岡巒氣不奴爭韓來
破趙報楚去吞吳臨老河山眼蒼茫得酒壺

陳均揆

長平吊古

戰鬥於今歷有年長平之名邑乘傳戰士骷髏歸碧土豈人
憑吊問蒼天六王將畢四海一將不知兵國予敵嗟吁四十
萬人骨未冷甫傳二世秦鹿失人生天壽宰於命國運延促

公廳種竹

種竹公廳春已遲
捲簾終日對幽姿
無端一雨天涯去
回首雲梢是故知

別竹爲竹託此那好相顧
若言此數君不是甘棠樹

初宿海會寺二首

靈泉流水夜淙淙
月小松高鶴影雙
石榻覺來秋燭冷
諷經聲滿碧山牕

聽泉問竹開珠閣
剔蘚看碑坐翠微
碧殿秋來人跡少
天風時動六銖衣

夏日憇海會寺成古詩一首

終日苦擾擾
見僧如見僊
空山芍藥開
朶朶留春妍
老僧顧

已獨乃知神力幽翕闢猶轉圜終焉怙此土赫赫可化權

登太行

迢遙河甸盡巖嶮晉山開仄路雲邊出迴颺壑底來答盤千

折澗峯擁百層臺立馬東南望中原亦曠哉
躊躇太行道悵望白雲陰親舍偏東極皇居直北深官途來
復去世事古猶今亦負馳驅意悠悠歲月侵

李 裴

石堂山

茲山曾兩登契濶十年越風景豈殊舊古木半摧伐仙去地
猶靈龍潛神詎歇浩氣蕩太虛河山坐出歿幽歌步泉水春
懷與活活羽客煮松花晚來消酒渴

子城爲晉界是爲孟門卽周穆王所登九河之隘者又盤
二十里至橫望鎮狄公及顧河陽處是爲太行之顛古稱
自麓至此爲羊腸坂又北行山顛二十里至星軹驛有古
體詩五首二十一日爲太夫人初度遙拜潛然遂陟降山
顛二十里至天井關有孔子回車轍跡石痕如墨花俗稱
先聖於此滴視謁回車廟又降十里一說爲羊腸坂又三
十里至澤州其驛太行有古今詩九首明日西至陽城縣
有古體詩二首明日至沁水縣雪坂臨壑窮殫險怪有古
今詩三首

北陟孟門隘詰曲且巉巖轉輪青天上推轂北斗南後頂前
踵滅前蹄後齒銜盤礴碗子城艮嶽覆眉尖築此連山象河

我笑酌酒重陰邊俗軌犯仙刹塵面慙靈泉優兒四五人信
手揮鳴絃夙昔觀歌聲聽來咸不憐山聲晚悄悄白月當南
天木末生微颯終夜來涼烟摩頂既不遂買山良未緣半醉
謝僧去無復意談元

王崇慶

送馬守之澤州

寂寞山城裏春風未有花野塘新水細茅店酒旗斜故園音

書斷長安道路賒何時共知已傾倒酌流霞

董其昌

題璇源張郡侯卻金輿頌冊

此判南山不可移頌聲寧獨麥雙岐即看華表含愁意正是
奏宮照膽時天子再傳關石事史家添入峴亭碑却金應拜

石云攔尼父車如舞兩駿穿恁等至河而返嘆洋洋後生於
此引項領蓋云聖轍指曾西望河如挽中流影轉憶鳴犢與
舜華鳳見覆巢不入境石痕莽互尚交縱髣髴八龍此馳騁
乃知周穆車轍馬足到赤陽賓于王母群玉之山亦畫餅竹
書誇詡誑齊州漢武故事資談警上元果有蹇脩媒湘君真
煩下女請趙州足陷昏驢橋南山羽飲石虎嶺元美輶軒不
入關代之題名蓮岳頂嘗讀山海大荒經顛頂山或海外迥
卽今聖宇遍天涯更斧豐隆空山永無地可藏王莽頭晉庫
回祿炬一秉

予嘗笑晉人以王莽頭孔子履並漢高斬蛇劍貯內庫稱三寶卒敗于火

羊腸坂

既出井中天旋向腸中盤碾子谷往且復磨盤舉環而曲亦

丙據而塹新截太行足上黨失門檻祖宗有深意一線絕垂
騷魁樞枕參首晉星望石甘天街界戎夏王氣豈須厭我朝
都幽冀右臂伏雲嵐井陘實扼要紫荆亦喉領山東作保地
中州困蝗螭生防運道塞真定掉孤檐徐州控四達所恃濟
寧參大名犬牙錯齊魏互吞含太岳天城郭秦蜀鑲帷幟憂
國宜着眼山右莫輕譚

橫望吟

自汴量移并法曹親舍河陽及顧勞白雲孤飛寸心切憐君
陟岵兼陟屺去之百里尚鬱陶而我于役五華矣歲暮依依
曠歸泊自分肝膽匪金石堪以涕痕浣使袍北山漸淹王事

急僕馬兩旬已出朝

懷明道先生

漢廷吏事不須驚也令扶溝令晉城豈少一雙霹靂手此翁
獨表大儒名

煉石補天引

媧皇補處痕何在安得乘龍摩天蓋我道不補固無害天門
開豁非天壞強掣四維良可怪向來元氣通呼吸謁帝直窺
闔闔外自煉頑石填太虛天眼天耳不如初尚敢貪功誑我
徒帝座有時扶一竅揮墮冥滓總不須

行路難

一岡彌十里一日闌十岡岡複不可竟日促不可長
不可緣下即不得駐不如太行嶺尚有停車處
解一陟即
解二右足縮斷

堪乎難又巒層欲肥馬牢翻澗複自朝直至日中是周遭只
在出之腹

鹽車行

鹽井解州大利權阻脩只恨太行山誰牽代北拳毛錦濼廟
蹇蹄共阜閑鹽車飛軌薄其領羊腸縛却追風影伯樂下車
攀哭之驢亦噴鳴為引頸滿身悉辨五花雲拂拭漉汗赤鬣
整試捷先周地一迴繞日三匝漢關開庸人止解觀牝牡願
君槌碎千金臺

澤州使院竹雪三句體

風刀雲剪脩脩立水絮山花滾滾急弄棗條然更含白

澤州使院松五句體

鈿山西行

沁水東西入澗行崎嶇我當劇驂平翼城誰剗陽城險山力
收韉地力撐

鈿鏗山外好飛行便欲驅龍趁夜程肘後千巖歸甚去眼波
不礙看雲生

五日出山豁眼明不知身是代毛輕怪他誰使開山斧却放
雲霞抱百城

不過太行膽未寒中原地界道艱難此行任是人間路盡作
王孫草上看

丹陵行

帝堯所謂肖齊德於放勳丹朱敬承即如啓未必即使賓四

崖左肩倚峭壁積雪隱賊冰地面寬二尺遠炬呼不前僕夫

抱輿泣三登登乍極青天袞袞旋卽下土前肩與後肩竟日

相仰俯兩肩未見片時齊不是羊腸是羊肚四我憇亭長慰

我陽城之東足如跛陽城之西眼須曩來日大難今日可可

五解

鳥道行

車輪摧太行尚是驅車路子看芹池坂四蹄無着處一羊腸

只是盤鳥道緣底過幾且以掌行幾且行如坐二水滑不留

跟劍子可斲痕泥滑不留杖欲乾待斜昏陰崖尚自可陽坂

數援我三便說天為嶺便說澗如井爭似及行愁萬丈垂空

四間道不可掃輜輪澗干道二分出整唇一分挂巖抄

豕渡張持水似弓山鳴空應鑼聲迅早已傳他寶地鐘數僧
弄管來林杪林中水嘯玉瓏鬆從官安勅蓮花座行吏開筵
光率墉飭破團搶雲脚綠案料琥珀酸光紅畦帶萱花新發
帝旋來采采入清供一枕琅玕明月老諸天掖下裂空濛定
雲更起客初寤先問夜來水所窮武陵源上尋桃片蒼龍溪
畔探新宮少霞筆力題軒轡道真蹤跡誌流溶濯纓手堪攜
孺子洗耳瓢不棄巢翁忘却頭顱冠獬豸但知薜荔藉芎藭
錐卓浮圖剎天立倚欄六界落心胸百磴虛無輕挾羽一梯
縹緲倦拈筇曲折山坳停褐蓋扶疎柳頸繫青驄安得幽人
函玉訊一一與之裸石淙光陰信道山中緩桐栢金庭尚待
儂堂前且厥春風帳門外爭排舞雩童我還自道諧仙骨人

門至聖自欲官天下大道爲公錫帝臣大人世及方爲禮兵
由此起攘西隣太甲成王天不廢廢必桀紂亦雅論宋徽豈
遽如桀紂舍子或非爲訟鼎九男一一桀紂等安肯事他敵
畝人帝子奉命偕而往如此乃可謂順親虞賓在位鳳凰來
祖頊宗堯信至仁配天祀夏卽郊鯀羽山黃熊豈其倫丹陵
山下丹朱墓隱德千載未彰聞

龍泉行

陰乃在濩澤之西芹池之東只緣誤立陽城縣置之千山萬
山中遂開一坂衝雲出影垂長壑半疋虹使我心悸骨寒三
數載夢魂戰析城擁紫岫青之一百重此行手縮文章墮
遷使者下高穹九約更掃青蘿逕無夷新鞭白鬣龍徑度

決居常仁義相與言他時事業期轟烈君門賜第榜傳香前
後中丞倍有光大行邇者西秦去使節增重眉掀揚聖明天
子遭焚惑萬乘邊陲輕逐逐風塵海內苦騷然心之憂矣此
行國封章直上指時艱取彼姦人欲食肝鬪牙批鱗寧避就
危言極論繫危安五日俯伏樓午鳳承明傳出狼牙棍先生
忠奮激心胸肌膚欲裂不知痛荼毒復肆者何人矯詔猶爲
致闕庭先生瀕死終不屈古來誰敢忤權臣請看塔墀立柱
馬一鳴恐遭斥且撻希寵固位爾復然欲擬先生何能者高
枝亦有噤寒蟬依依戀死曉霜天先生德學知何事閑去爭
妍取世憐獨扛一木支大厦風雷磅礴共笑罵一朝了却數
年心喜與龍逢歸地下旅櫬悽慘下中流芳魂萬里空悠悠

浪相看擬聖宗行行探騎來天黨鶴唳猿愀惜大雄未是風
 塵應償債總因根噐有圓功坐三壺兮望八鴻我所思兮海
 雲所捧開幔之芙蓉尚恐他時更署南宮長勞勞蕊榜又題
 封不放十大洞天深處去海山院裏爾曹猶自想清丰寂寞
 青牛白鹿背仇六稚川杳莫通我將何以謝韓衆與葛洪

孟陽

星輶值雪

山城二月雪花飛陡覺寒生客子衣危石潤沾遲馬足傍
 煙爨掩柴扉聲聲林雀棲枝轉點點春花入望微自笑壯懷
 渾未已年年關陝兩番歸

裴騫

旌忠祠哭忠臣孟子乾
 晚天昏地黯愁雲慘忽報先生有計來不覺

釋爾南畝意華不易得蒙谷豈堪守所以古先訓力穡乃有
秋粒粒盤中餐辛苦方可求油油隴上麥芄芄郊原穀秋獲
樂妻孥倉庾滿旨蓄不見情農夫田園盡蒿萊遊手一何資
饑寒聲轉哀無作鹵莽爲深藉思堅好無學禳田者豚蹄空
自飽家家呼飯牛處處歌陽春太平物熙然喜見康衢民

大雲寺讀書

張五典

深松開一徑野竹借禪居雲起龍潛鉢風翻蠹出書晨鍾微
雨溼夜火小窻虛半榻分清話山僧亦啟余

飛蝗歎

張銓

禾黍高低徧原隰微雨初晴隴猶溼田間婦子共招呼道旁
老翁扶杖泣我來停驂試問之老翁棄杖前致詞昔年水患

長眠此去那能曉曠野閑雲相對愁富貴爭如擊石火功名
休自任為我但能忠孝處死生朽骨終當同岷峩我生苦不
侍楓宸我志於邑恨未伸長歌藉取先生發留我野史勸忠

臣

裴 字

碧落寺

鑿石巉巖紺宇成兩峯開處數僧迎千松布壑連雲色一水
橫橋帶雨聲風透虛窻清簟席鳥蹄深樹雜歌笙况逢好客
饒樽翫坐向溪頭待月明

劉東星

樓松

樓前何所有萬松破高嶺鎮日聽松風何似陶宏景

劉虞夔

骷髏廟

于達真

此地由來是戰場平沙漠漠野蒼蒼
恒多風雨游魂泣如在
英靈古廟荒趙將空遺千載恨
秦兵何意再傳亾居然祠宇
勞瞻拜不信骷髏亦有王

同滑郡丞漸鴻張明府徵吾遊海會寺

五馬傳宵征空林法鼓鳴
平肩供遠黛交臂戀新晴
一水斜通澗千山曲抱城
敢因人吏散聊寄薜蘿情

州解園亭春興

退食散羣吏逃之衆
卉間登臺看突兀把酒聽
縣蠻河勢中原折山形上
黨還可知如斗大日日訟庭

陽城道中

君侯知桑田一望盡爲池春來播種亦太苦播種方成復不
雨便有飛蝗羣蔽天飛來飛去滿野田翼如轟雷齒如鋸百
方逐之不肯去憶昔種禾如種珠胼胝那惜髮與膚誰知一
旦遭蟲賊千里赤地成須臾不爭地赤嗟徭役里胥臨門苦
相逼室如懸磬已無餘只今留得犁與鋤不惜老身填溝壑
眼前兒女將何如吾聞老翁言未畢戚戚心中如有失自慚
肉食皆民脂民間愁苦須相惜吾將圖繪叩天闈爲請蠲詔
施寬恩老翁老翁泣且止歸家語汝婦與子

筆山

月映毫有光雨洗鋒尤紫千載草白雲紛紛落如紙

俱零落只有亭亭竹數竿

空庭無伴影徘徊
城柝朝傳暮角催
五馬風流垂欲盡
諸生狂簡自知裁
郢人白雪空留曲
燕市黃金有築臺
垂壁尚存吾齒長
將因投劾賦歸來

青蓮寺

帝遣名山列畫屏
峒堯初地入蒼冥
中天忽墮蓮花片
下界時聞貝葉經
王屋山光邀去鳥
丹河水色舞蜻蜓
我來却憶騎鯨事
翻笑人間有獨醒

擲筆臺

筆臺遙掛五雲端
衆壑懸濤瀉急湍
擲筆裁雲空自語
登臺窺月好誰看
遠公衣鉢青蓮塢
元度襟期紫籜冠
石竹扇涼

臘月西風吹散貂太行晴雪映征軺家唯釜鐵供王賦邑有絃歌象治朝白日時能窺大壑浮雲不斷出高曉相逢此夕還堪醉遮莫明朝未可邊

許維新

去郡書署中壁

良因多疾病豈敢問巢由負俗能無累懷人尚可留秋風生

桂樹夜月動扁舟不盡人間事何勞空復愁

傅淑訓

重過太行

碗子城頭白晝陰振衣直躡碧雲岑星軺驛引軺軒過王屋山藏虎豹深望遠欲窮天外目登高一寄日邊心道傍更有迴車轍衰鳳還爲楚客吟

校士高都追憶舊遊十二經霜矣漫成一律志感

次韻

郭堅

解組歸來杖履閒
喜陪星駕醉忘還
輕雲半榻禪機靜
新鴈一聲秋色寒
逸興偏題樓外景
好懷惟托眼前山
使君去後棠陰在
明月不堪人倚闌

澤署阻雨

練國事

方倦山程道路賒
又逢積雨對孤衙
能添綠竹故園色
防損碧桃前日花
不為微寒思酒力
轉因久客惜春華
輸將萬口應呼霽
危戍于今正量沙

寇至作示維桑諸公

張慎言

長歌莫楚往焉徂
謬謂蒼蒼仍可呼
蠢爾徒言天降割
驕人且曰我何辜
里人已自愁
鶩鴨枯苑猶然賦
烏鳥錫祉薦瘡

侵几席暫時高卧小闌干

珏山

危巒高插萬山尖瀑布泉聲帶石巖雙角爭矚雲樹隱兩峰
奚兀劍鋒銛山啣曉魄窺星斗酒挹丹霞拂客髯入暝杖藜
歸未得坐看涼月白纖纖

乳竇

山月溪雲映石牀到來青火入虛房懸崖鑄滴仙人露怪壑
泉飄玉女漿壺嶠洞幽仍未險武陵花滿不聞香避秦今日
遊人說漫說天台在太行

遊崇安寺

劉鍾英

客裏聊偷半日閒舊時僧去未知還秋初渾愛桑麻長

醜妍媸士自取寂然不羈如處女何以荆棘與芝蘭造物無
私等化雨汪洋千頃淨無波悠悠我心舞復歌無鹽媼母各
自愁拂拭將如明鏡何青青子衿歌且舞鉛臭銅腥羞與伍
作人造士如斯夫往者此道棄如土使者自視曩何輕奎壁
文昌是爾星象緯河山關氣色文思千載繫欽明氣運文章
相表裏風俗人心更伏倚今之君子不謂然鄙夫持論終如
此參井之間豈無人重瞳老子尚未死炯炯雙眸照厥里

集樊山最高處分得樊字

往時但見白雲樊是日登臨秋滿原山疊層嵐非一貌霞明
細水帶多邨暄寒頃刻更單袷晴雨紛紛異巨昏爲囑諸君
休再醉詰朝清櫛看朝暾

都有故願言百爾念其初

里選行爲督學袁臨侯作

千秋元氣安所屬權輿無乃歸文章太樸未分光嶽氣淋漓
真宰開元黃文章要自有元始炳靈精氣根廉耻古來帝王
與聖賢於中升降而起止所以養氣能知言從來學問自淵
源庖羲諸老至今在吁嗟此道誰能詮叔季流奔難僕數鼎
鐘毫髮縣絲縷公道尚存萬分一畧在里選與鄉舉三十年
前此道存弟子先生各自尊詎知三十年一變世運江河不
可論中間瓌瓌羞颯縷竿牘紛紜爭客主古今名器眞可惜
忽將此物換阿堵帝遣文章司命來執法人兼內外臺手握

點燈行 泊水齋詩選

點燈子賊號也辛未夏五月二十六日河曲賊奪汾以南
眾纔五六百人兵尾其後互攫士女兵之害更甚於賊謬
紀其事用告來者

旦夕敵無事主將氣益驕剝士到骨髓闐闐深且高側聞河
曲賊強半皆吾曹首禍者爲誰曩時弄筆刀殺此復何有不
如使其逃我曹爲中權縱賊爲前茅主將爲後勁河上乎道
逢兵賊如期會踵接爭掠鈔跪以孝主將色貨羅周遭主將
恣所擇餘則賜諸獠媚之以溫語曰酬兒輩勞猗猗良可憎
被服皆羅綃赤鯨與紫鳳曲折繡雲濤束其相若禡部伍相
矜嫵婉彼清揚者魚服呈織腰螭首戴兜鍪柔荑挽轡鞞細

石塘白雲洞

長溪洎水交潺湲層疊轉岫泛崇巖川谷徑複不可度容看
借雲與間關薄寒中人暎始煜荏苒雲洞稠可羽不知羽化
者阿誰深鎖雲霞滿石屋撥雲入屋搜雲根其中乃有靈蛻
存灣環窈窕不敢進噴薄森沉若吐吞元氣淋漓半作木瀨
之清冽甘如醴胸懷落落不可名人能餌之長不死半始英
英流層阿漱瀦蔥蘢相戛摩俄看繚繞搏羊角迴翔仍復絳
文波恍忽沉吟我良久乃悟非無亦非有不知此雲生於空
又復非空生谷口我攜我友字子丹其人綽約癯且寒手劬
雲根置懷袖云可鬻熟充朝餐

酷普天盡荒旱何郊是樂土竟死爭久暫嗟哉如此日亘古
未聞見上帝原好生我輩罪難贖所以我不然說是賊爲患
如今方取盈素餉三十萬

海會寺看隔水桃花

林含曉露明初曦溪蘸青苔紫遠村度水花憐光久溼浮烟
岸覺漲新痕斷霞未歛雲將雨薄靄纔收月在門半日霧陰
殊恍惚細妍適景索追論

同楊季雨諸友集開明寺

友朋文酒豈徒然邱壑於人亦有緣近我寺能饒木木與
村接一風烟偶然小集無賓主率爾相招誰後先縱判春光
容易去泉聲無恙只涓涓

約穿鐙銀瓠犀噉腥臊陋者策跋驢娟者馬則臆騶雜黨日
月光氣爲之消何以罹茲禍似是業所招賊乃詭曰兵僞寔
大將旄兵又詭曰賊民敢犯秋毫賊尚且狼顧恐兵尾其尻
兵則何所忌歌舞侑醝醢

南征

我終不謂然說是賊爲患頃欲竟此說哽咽淚已潛賊豈能
爲蝗賊豈能爲旱賊豈使吏貪賊豈使兵叛賊死歸其體不
忍棄火伴如今中國人父子相吞噉征夫念靡鹽詎敢索厨
傳千里無鷄犬百里鮮烟爨一飽反痛哭不止當食歎乾坤
血政流聖主厪宵旰小臣愧欲死持箸不可咽百姓寧餘幾
細爲蒼天筭儼狁與盜賊殆將發懸乎我兵又殺之老稚嗟

足昔聞清夜見神燈半信半疑心未服花朝携友一登臨詩
裏酒榼隨童僕曉行紅日上高岑俯瞰白雲滿空谷行行杖
屐近青霄寥寥塵寰直一掬半山雨落溼樵薪山上朝曦凝
樹綠來來往往人攀躋香火朝神相陸續轆轤千尺下瓊漿
石底行人消炎酷洞垂佛手浴清冷頂壓古松蒼蓋覆平生
性僻愛烟霞天下奇觀此稱獨夕陽對酌發高歌近夜看燈
試默祝忽然對幽一星明青暉晃晃如炬燭須臾數點起四
山眼底澗中五燈簇乍明乍暗焰熒熒忽遠忽近光煜煜分
明出見摩尼珠龍女來呈照林麓游人大咤號佛聲果是山
靈酬我欲僧人邀我坐禪牀手捧清茶奏梵曲細問此山開
何時任持誰者留芳躅云昔脩定芋上人石窟端居虎自伏

虎谷

石室溪橋泊木東元根幽構易為裏起居竹氣花光裏
泉聲鳥語中抱此孤悰求所似終焉虛美悵如空愴今
良徒爾寂寞蕭條叩未窮

張金銘有幽居在虎谷間胡昌昱言其意影畧寫之書

寄所懷

別來忘歲月未暇念升沉千里夢魂路兩人泉石心買山兼
不貴取徑大都深何處可藏屋此中堪入林雲流先有響木
落尚存陰問罷曾遊客重將筆墨尋

寶巖寺

在太行山頂花園村舊名金燈寺誠心默祝金燈自空浮來

崔士棨

太行千里亘地軸林慮西來羣峯轟嶽嶺下梵宮開景

石塘洞

長屐躡崇巖窈窕入深谷蕭颯雜琳琅縱橫皆木木神工施
斧鑿嵌空爲洞星泉乳破蒼苔白雲常護覆層崖暗相度曲
折隨所逐窮此物外觀身心如欲束

庚午長至駐玉溪

王肇生 東來

午夜提兵泛玉溪上方一榻借禪栖山頭斗接諸天迥峽裡
烽傳萬木西滿地豕虵驚破竹何人鎖鑰抵丸泥曉鐘未啟
嵐光冷有客婆娑憶舞雞

陽城紀事

勞人未敢問停車戎馬棲棲六月餘狎報瀾山猶哨聚凱旋
分道竟長徂身前高髻誰家去部下關弓望屋如獨爲使臣

示寂一性近靈山百年遺骨香如玉寶塔幽堂卧儼然過客
谷差盡瞻肅聖境須生聖者成梵天巍峩表亭壽聞言不覺
雙頭毛骨中愁煩消萬斛禪宗我悟最上乘觀此佛光莫敢
瀆同行俱是青雲流紀勝教予書東牘燈下走筆思若狂謾
吟正恐大家辱西山靈跡滿衿懷歸家可作卧遊錄小窻一
枕醉春風清夢夷猶伴猿鹿

太清觀禎

張履旋

抛天應不老此物與年長共染六朝繡業飄千祀香蛇龍藏
鬱律風雨起蒼涼安得携書至蕭蕭日坐傍

底柱山

楊鵬翼

迹足難容鳥道穿孤筇扶我步雲邊方迎峭壁疑無路纔得

憇九僊臺北斗殿

李萃秀

昨夜北斗殿裏眠手攀斗柄枕青天醒來雲散銀河轉携得
星辰兩袖還

長平懷古

蕭啟慶

驛路臨長平驛亭饒古木風葉吹寒濤雲林接幽谷丹河留
舊名戰場作新陸嗟彼趙公子徒把父書讀臨陳謀既踈一
敗身卽仆致彼不仁徒得以肆驕毒四十萬雄兵僅留二百
卒枯骸盈山坑英魂伏岑蔚丹水遊不回母言眞可復

長平弔古

呂純如

荒涼鬼火夜燐燐白骨黃沙共慘神豎子無謀終覆趙將軍
有勇亦亾秦招魂不入春閨夢揮淚常沾壯士巾幸遇太平

提一旅間關追躡畏征書

已卯仲夏予來獲澤署中地頗宏敞前後有蒼松古栢

翠篠映帶軒楹墀下麥穗芄芄更饒野趣坐對鉢不

知跼踖於几席間也

于漢翔

晴烟漠漠草萋萋入座薰風滿絳幃石上圍碁松子落窻前

釀酒棟花飛未能相馬空騏驎漫說傳經有鉢衣此去太行

山不遠白雲許我切瞻依

宛是江南四月天朱櫻紫笋佐賓筵鱸堂欣割先生席藜閣

難分太乙燃麥浪一簾風過隙山烟滿案雨來前收將野况

供書幄珍重題詩拂錦箋

王緒宏

淨影寺

空鳥漸與青雲迫俯見蒼崖間春花間紅白山家愛尺土縱
橫界如畫上有千年碑孔父留轍跡塵沙落日遲返景射石
壁祇慮豺虎驕解鞍投荒驛

夏日龍泉寺有序

劉儲秀

正德辛未余與郭子鳴和下第西歸道經茲寺因分元人
韻各爲一章漫書以去今復於壁間見之蓋一十又八年
矣感念平生殊增惆悵爰勒諸石聊以記行云耳

清曉過名寺淹留日欲斜年光憐逝水身事笑團沙山迥浮
青靄川平散綺霞何時登覺路且復對靈花

游海會寺

王朝雍

三晉知名寺清遊躋上方山河連趙魏宮殿肇隋唐鳳竹憐

皆帝力敢辭
駑馬逐風塵

鄭旻 墨山

三月晦宿長平驛偶成

平川渺渺帶重岡
秦趙當年此戰場
阮火幾隨河劫盡
夕流

猶自咽衡漳

烟籠古驛柳依依
賈令池臺今是非
傍晚停車來住宿
客塵

遮莫送春暉

卜汝梁 西吳

長平弔古

趙兵四十萬生聚
任何年一朝為秦坑
是孰驅之前陰雲
鬱

白日西風號九泉
林林憶兆衆豎子
頭可懸甘心受大戮
白

骨深谷填燐火
夜夜明難消萬劫
冤快哉杜郵劍
庶幾稍有

天丹河流不盡
此恨終綿綿

根盡龍泉引派長飛空人已去誰復渡慈航

王三省

先大夫守澤郡三載餘行郡之暇每過名山古刹未嘗不
留題焉海會其一也小子起後赴京過此石刻宛然而九
京不可作矣拂塵而讀之哀痛何如

過此思先子深慚負義方年華成潦倒身世總荒唐墨本十
年舊棠陰百里長徘徊依古寺不爲覺蒸航

脣霄北斗平雲影光推河岳動梵音響徹海雲橫仙風高擁
王喬島欲撥天關探玉京

再遊海會寺

乘興尋春春欲闌琳宮縹緲萬峯攢閑消慧日彈棋局醉倚
曹溪把釣竿渠引碧流開石竇風傳清韻入松壇我來一問
浮生事苦海何年振羽翰

遊仙人洞

洞裏仙人去復還洞門深鎖薜蘿烟石牀塵淨雲空拂丹竈
風生火不然龍醞氣氤氳初滑柱撐截嶧玉虹懸漸聞鷄犬
須回首恐有秦民欲問年

避流寇麻樓山

武傑

湧地雁塔半摩天竟夕渾無寐
臨風懷二賢

春日遊陽城海會寺

衡漳居士

沁水

竇地幽崖古登臨興不窮
烟光金刹際山色翠微中
花雨飛晴晝鐘聲度晚風
峯巒低遠岫世界接遙空
雁塔諸天迥龍泉百道通
經行攜許掾說法有支公
竹籟清天宇溪光淨石叢
松聲開士室月滿梵王宮
興逸烟霞賞情真緇錫同
遨遊不知倦頓覺素襟冲

趨事沁水投憩海會寺

李永和

浮生浪跡一黃梁塵鞅東西幾
太行攬勝恣尋雲水窟懷歸
空望海天鄉不辭苦蕪披餘碣
爲愛潺湲獨舉觴倦客徘徊
情未已遠山幽月遠蒼蒼

流泉曲曲抱禪關
駢馬登臨見鶴還
池上迴廊交翠竹
松邊高閣對青山
偏嫌僻地僧能任
可惜幽林客未閒
若遇虎頭歷真境
定教圖畫出人間

龍巖寺

白鑑

六月枝頭尚結霜
清幽別是一風光
山深霧密人難到
正是龍潛虎伏場

春日遊靈泉寺

李經

十年一此滌塵氛
春半芳菲酒半醺
隱隱梵鐘隨澗出
丁丁樵斧隔林聞
鳥依樹杪啼清晝
僧在山房卧白雲
幾度登高遙縱目
蘆河東去綠沄沄

登龍泉寺塔

于瓚

垂

鬚冠經世變，迹向麻樓德。負前朝重恩，圖異世酬。鬣毛驚漸白，匣劍惜空留。北望烟塵滿，泣然涕泪流。

宿龍泉寺

時值微雪

徐貞

夜雪留驂此，借眠曉來香。梵挹龍泉元，分細脈飛纖乳。妙轉涓流遶玉田，萬疊嵐光迷翠色。一泓雲影鎖朝煙，徘徊不盡澄清處。拂拭塵纓意惘然。

遊龍泉寺有感

下馬憇龍泉，中懷嘗耿耿。暫解苦煩心，寓目龍泉境。棟宇自何王，蒼煙淡頽屏。元流分地脈，古塔曳倒影。拄策步絕岩，惚恍無窮景。朱臺射夕暉，搖落光芒迥。大千八毫毛，蕭然萬壑冷。寶筏殫迷川，爭偈阿誰秉。自念苦塵跼，來不知警玉壘。

有林泉洞金亭玉樹可見先元跡有無不可信今見此洞真
乃然燈火焚煙看不足傾壺拉飲鴟鷂絃明月白雲各有待
笑歌互答聲聞聞飄然遺世出塵網恍若漁父來桃源

陽城道中

楊博

道出陽城縣乘春玩物華山田如閣板村徑似盤蛇深澗留
餘雪高崖出故花鄉音頻入耳且喜近吾家

龍泉寺

俞時

山高去天近夜迥聽經長法星臨慧閣明月過禪堂不見赤
銅葉誰分白乳光交遊得王孟逸興切文昌

九僊臺

元女在何處碧臺今尚存山環挂天柱水遶跨河輪汗漫遊

浮空高結與雲齊金碧光連曙色迷陌路遙看行客小僧房
偶聽梵聲低群峯繚繞攢成壁流水潺湲曲作溪古佛禪
求淨土此中幽寂正堪棲

崇福寺

何喬新

疎櫺斐几漆方牀斲解征鞍宿上方石逕春陰松滴翠山房
晝暖藥生香溪雲欲動琅函潤礪月初來碧殿涼最愛大顛
無窒碍靜中應笑退之忙

衛心

遊仙洞

翠微屹屹洞門懸化工一鑿雲根穿步入逶迤越里許燦燦
玉闕非人間龍蟠象踞獅聳立垂雲漠漠流蕪連鐘乳斜墜
元氣逼變幻奇怪數百千丹爐石榻遺踪在信有昔人學煉

何妨血染衣
慷慨瀟頓移
天地色摧殘
未盡鬼神機
成仁取義
諸君願莫用
招魂望遠歸

宿德勝寺

熊琳

清秋過野寺
雨霽夕陽餘
遠岫天連碧
長河浪擁霞
石床僧定穩
玉宇雁行斜
客思昏鐘後
空階坐月華

宿端氏

崔鏞

古寺烟霞迥
黃昏簫鼓喧
山深樵斧寂
水近月華翻
俗障身多役
宵虛僧不言
明朝何處路
點檢強開樽

宿王屋山

劉昌

獨柱凌空萬
仞齊風雲
長與護天梯
春明倒影參
差出夜靜
仙燈遠近迷
正笏喜登金
闕近倚闌
驚見玉繩低
手探河漢

仙島崑嶠覽佛門高朋逢二妙物外有清論

棲龍池

僊侶雲中合
颺輪塵外馳
蜃翻臺作水
蛟擘石爲池
迴踵崑崙
崙色飛流激
澗支迢遙人
探歷從此有
相知

九僊臺

李繼白

亭亭孤嶼俯中流
薄暮登臨興未休
僊珮已飛丁令鶴
高臺還賦仲宣樓
烟清茶竈求僧火
雨溼漁簑問釣舟
我欲題詩最高處
青天搔首問丹邱

勞勞亭

李繼白

地路衝三晉
勞勞此數椽
風霜動民夜
車馬苦追迎
一箸示錢盡
連爰百里驚
問中愁未了
又見嶺頭旌

開道天壇古異香何處颺瓊扉邀日月鐵殿老烟霄倚石臨
空近懸泉入海遙羣仙不可見萬壽共歌堯

分涓滴洗取蒼崖試一題

瑤草生香沒舊踪
晴空時聽一聲鐘
露連瀛海三千丈
月滿樓臺十二重
爐內藥成先試犬
壇前松老半成龍
憑誰爲問煙蘿子
夜夜歸來第幾峯

史敏

登天壇峯

峭山行過幾千重
纔到天壇第一峯
九夏尚留岩畔雪
萬年不老廟前松
珠林日暖翔丹鳳
石洞泉寒吼黑龍
有約更期新雨後
短筇來數翠芙蓉

宋榮

登天壇

和前韻

九天上隔兩三重
勢壓塵寰百萬峯
一片樓臺凌絕頂
滿空星斗掛喬松
煙霞曉舞中霄鶴
雷雨時驚濟濮龍
最是扶

